

我慕室吟草

義慕室
吟草

己巳表揚令弟女士赴日本與美術展覽會

中國名畫家每赴之日本政府破產萬元之招待
費其^{以款之}在重可知歸途道過與東經採木公司王昕甫
秘書介紹何德商會之傳揚開國畫展覽會華得
飽眼福並承女士書及贈給松哥圖一張並以詩稿見贈披閱
之餘深感狗身人之苦况亦是然也附記

己巳表寅宵昨夜宿珊筆記

覽君義忽萃
竊歆嘉名慕
寫纏綿意怨
含悲苦
身轉移一俯
拾意
境已重更
為蔚劬
勞威飄風
共此情

袁潔珊文易義怨室
詩萃為我慕賜詩
令弟謹系於清史館



丁卯五月楊令蕓於武英殿

COMPILATION OF POEMS BY MISS YANG LING-FO.

Introductionary note.

It is a marvelous accomplishment for any person to master all the three branches in art, viz., poetry, penmanship and painting. Such people are indeed very rare not only to-day but even in the past, and not only among women but also among men. The Republic of China should be proud of herself for having produced a citizen of the said ability in the name of Miss Yang Ling-fo, the author of the present volume.

Born at Wusih, the most beautiful district of the Yangtse Valley, of a reputable Mandarin family, Miss Yang, in addition to her natural gift, was thoroughly educated from her youth. She is always fond of philosophy, literature and art, and, being devoid of any worldly passions, she is at all times leading a wholesome and serene life. She can write in the most refined style, with vigor and satire like an able and well-experienced savant, and not the usual feminine work of her sex.

Through her constant success in many a great work, Miss Yang has gained her fame in painting at home and abroad. Her work was repeatedly awarded, by the late President Yuan Shih-kai and also by the ex-President Li Yuan-hung, with high prizes. Her participation in the Philadelphia Exposition last year made her more widely known. She contracted with the Mukden Museum to copy the portraits of the generation Emperors and Empresses in the Palace Museum since she returned from America. This work is rather hard. It may spend her two years.

The present volume is the first compilation of Miss Yang's poetical work, though many of the poems have been published in various magazines and newspapers. Those who know Miss Yang as a painter, may now find that she is also a poet of equal rank; and those who appreciate her paintings, may now cherish also the value of her poetry. Miss Yang is still in the spring-time of her life, and her bright future as a great artist is unbounded. Let the reader, then, hope that successive volumes of her progressive work may appear from time to time.

Kiang Kang-hu,

Peking, October 10, 1927.



殿英武於攝弔令楊月入卯丁
Miss Yang Ling-fu working in the Palace Museum 1st August 1927.

UN RECUEIL DES POÈMES PAR MADEMOISELLE YANG LING-FOU

C'est avoir un talent extraordinaire que d'être une artiste renommée en même temps qu'une poëtesse éminente. On trouve ces qualités en la personne de m^{elle} Yang Ling-fou, l'auteur de ce volume.

Née à Wusih, le plus beau pays de la vallée du Yangtse, d'une famille des plus honorables, m^{elle} Yang reçut dans son enfance une excellente éducation. Elle adore profondément la littérature, la philosophie et les Beaux Arts. Des goûts simples, un caractère bon et indépendant donnent à sa plume un charme inéplicable.

À maintes reprises, elle a gagné l'admiration des chinois aussi bien que des étrangers. Ses ouvrages ont été rénumérés plusieurs fois par les Présidents de la République messieurs Yuan Shi K'ai et Li Yuan Houng. Sa participation à l'exposition des Beaux Arts à Philadelphie lui a valu une réputation internationale,

Ce volume est le premier recueil de ses poèmes quoique un grand nombre entre eux aient été publiés dans les journaux divers. Ceux qui ont connu m^{elle} Yang comme un peintre, peuvent maintenant apprécier également ses ouvrages poétiques. Cependant, elle en est encore à ses débuts; son avenir est éclatant et nous sommes assurés d'avoir le plaisir de lire ses beaux vers de jour en jour.

自序

我怨吟草令弟未定草也何敢遽付棗梨蓋不得已者有二諸師耆老皆耄耄矣靈光歸然存者有幾而又或抱祭器而去宗周或墜臥林壑不復涉世干戈滿宇道路修阻而於令弟幼年習韻語則皆望其有成故未定草之刊欲以郵筒致四方乞刪正此其一也乙丑道出榆關展覽書畫於遼瀋之間失去我怨吟草第二卷自庚申至癸亥積稿百餘首中有林畏廬師密批陳師曾師書籤皆遺墨也失而不可復得良可痛惜令弟有鑒於此不得已刊未定草此其二也於是無補老人八十四矣修

清史十有四年時虞却火瀋陽袁潔珊丈受公知遇者也爲之
建議刊行清史名曰清史稿待正於海內名流以及後之史學
家定名清史稿示非定稿也令弗於袁公文章道義私淑者久
矣丁卯夏重摹歷代帝皇像於武英殿暇輒問業於袁公聞公
論刊行清史稿之事欣然而作曰有以哉孔氏美里仁孟氏遷
居學宮之旁習揖讓進退今吾居鄰清史館清史可以刊稿而
待正於海內名流以及後之來者自維習韻語聯篇什積有年
矣雖未窺二雅之逕而詩三百一言蔽之曰思無邪吾之學詩
猶黃口學語以赤子之心成天然之籟間嘗涉歷山川見生民
疾苦發而爲咏嘆不爲閨中人憂愁幽思嘆遇傷離之篇庶幾

異乎漱玉斷腸之作而合於無邪之旨乎吾其學清史之刊稿
而待正耳於是刊我怨吟草丁卯八月楊令弗記於武英殿

莪怨室吟草序一

勉詞

長兄味雲勉詞

余同懷姊妹七人而令弟妹最幼嘗肄業於滬上女校砥志劬學不染時習癸丑庶母歿於惠山別墅妹來京師依予夫婦同居從事丹青取余所藏名人畫冊日夕臨摹案頭度積經史及唐宋人詩集時取諷誦雖祁寒盛暑不少輟業其嫂勸其勿過攻苦對曰春秋敬姜論勞逸曰沃土之民不材淫也瘠土之民莫不嚮義勞也吾將尋養生之道於古人書畫中消遣世慮人以爲勞吾以爲樂也其詩未經雕琢純乎天籟吾嘗以其材質

可造而功候未純使之投贄於樊山問業於闇公欲其久而有成也丁卯秋妹輯其詩稿古今體六百餘首乞爲刪定喜其格律清真亦復不染時習由此而師法三唐上窺漢魏所造殆未可限也因爲刪存三百餘首并書數語以勗之

全同對校於大函今其詩稿遺世者復有數十卷其詩稿
具足有書藏備

蘇忠堂詩集

蘇忠堂

袁潔珊先生題我慕室詩稿五十韻

扶輿清淑氣彬彬森文質疇克擅兼長赫叵資憫瑟簪紱罕厥
儔唵誦矧巾櫛卓卓梁溪女吾未覩其匹前歲晤瀋垣清談接
一一頗聞詩禮家幼學靈根茁阿母育恩勤事事周體卹又聞
入禁籞五雲護仙蹕習畫講師承百花精釀密神繪夙所欽丹
青有法律我雖門外人瞻矚光四溢故宮摹法像苦心底純壹
昕夕戒愉惰有始復有卒懷抱抗千秋不徒矜美術魄力足驚
人傾佩難具述今朝携册來標題我慕室展讀未終篇奇氣行
間出諸體靡弗工五古尤迺逸險語露峻嶒風雲供咤叱昌谷
與義山幽渺而秀粹孝思動人心憂傷如在恤跬步不忘親守

此篇殊不偏見謙
折之氣而句亦枯
常不精托雅
洗去雜題又遠

身嚴戰栗被服禮教深浮薄恒痛疾無怪海西行外人皆敬忱

詩格本蒼堅鸞唵異虫啣我詫思力沈真成大手筆比諸古作

者十已得六七猥欲乞贈言補疏而蘄密此意更可欽脩業期

精實昌黎號大家章句妥無失愈清乃愈真允莊論詩必

汪端允
莊明三

十家詩選惟持清
真二字以爲衡量

字字須深穩語語須靜謐石破縱天驚雅度勿据

拈純青爐火功其來自汨汨道在澄性根逢源自有日悠悠望

南山斯干凝秩秩以君志士心腹笥富卷帙勤加洗鍊工慎發

能事畢轉瞬大業成騷壇數甲乙二南追正聲視履考終吉親

心慰九京孺慕苻繞膝福慧庶兼修天定回陰鷲孰復敢謗譏

無所容媚嫉太史采風謠欲佚無能佚思賢拜下風刈楚甘馬

秣嗟今戰局紛相爭持蚌鷁避地乏桃源逃亡寒骨慄朔風獵
獵號一之日烈鬻講藝人笑迂微衷孰能悉惟君可與言相繩
以穀率

我怨室吟草卷首題詞

吳觀岱師跋畫

晚近畫家好爲劍拔弩張之作甚且詭怪陸離不分賓主虛實出乎六法之外女弟子楊令弗深抱杞憂歎爲亂世氣象故其爲畫淵然穆然無不取法正宗近自關外歸來出此質予曰甲子居頤和園得樞內府神品十八本流入海外者十七堅留此幀待吾師三年考績蓋令弗傷時感事之旨悉寄於丹青余嘉其志爲跋數語勉之願其更進而存亡繼絕於藝林也

林畏廬師跋畫

瘦瓢爲余鄉先輩初年畫師唐人晚歲乃好爲破筆亂頭麤服
自成一格人莫能及鄉人有李燦竊取其意用筆如快劍能於
瘦瓢外別立師法然瘦瓢傳而燦不傳蓋亦有幸有不幸也吾
友吳君觀岱作人物深入瘦瓢之室女弟子楊令苐師之毫髮
備肖不易才也此册奕奕有生氣持以質余因爲跋數語於其
端 壬戌九日畏廬老人林紓識

林畏廬師跋花卉

渾脫處似南樓閑雅處則憚冰也自徐熙一變院體後來多以
水墨行之奕奕轉有神韻 令苐此作頗極經營慘淡觀後亦
如煙客之于石谷不欲奪其所好因書數語歸之 畏廬老人

林紓識

林畏廬師跋春夜宴桃李園圖

吾鄉寫仕女圖以新羅爲第一吾曾見其西園雅集圖樞龍眠
舊本能以積年破筆行之晉卿二姬靈幢之髻以數筆了之驚
爲逸品此幀爲瘦瓢翁桃李園圖橫幅一變曹吳之軌尙是翁
初年之筆晚年所作傴僂如丐識者機之然其初年筆墨跳脫
處仍是道子家法特運用不同令弗以絕世聰明摹瘦瓢極神
似余愛其慧爲識數言

周養庵師跋春夜宴桃李園圖

瘦瓢寫唐李白春夜宴桃李園圖尤稱能品此令弗臨本筆

力遒勁一洗閨閣纖弱之習致可喜也更於唐宋名跡留意探求深造自得不難追蹤前哲癭瓢又何足學哉

候疑始表兄題洄上總統遺像

此吾戚令弟女士辛亥舊作令弟自言時猶未識觀岱老人不解六法并不知丹青爲何物應物象形純出天真布景用筆猶未歸宗派略似西畫而實非西法然趣致盎然傳神阿堵詩家所謂少作以視今日之波瀾老成固不逮而亦未嘗不可傳世也 乙丑暮春侯毅謹記

樊樊山師題溫都監女窺東坡圖

調寄卜算子

髯到惠州時已是繁霜鬢窺客知非宋玉年詎有東鄰恨 夜

景忒淒涼露滴梧桐冷驚起回頭畫得無月照娉婷影

樊樊山師題李清照畫琵琶亭長卷

誰抱琵琶過別船蛾眉謠詠古今憐理初類稿分明在詞女安能負所天

樊樊山師贈詩

令弗女士在北海觀冰嬉作歌見示述及蹉跌傷頰事奉慰一首

偶來北海閱冰嬉真有寅年履虎危宮禁豈無鮫室險閨檐亦有雁門跨液池寒重貂褕護玉頰傷輕獺髓醫好待春融呼畫舫蘭橈劃徧碧玻璃

樊樊山師題蓮花博士圖

鏡湖千頃明如鏡十萬蓮花無管領紫皇下詔簡新官鴛鴦不

愁玉波冷放翁故友名不傳夢中交代陸家蓮見杜詩腐氣定非

考亭叟風流應是石湖仙朱范皆與翁善翁生常與花爲緣守嚴衣染

梅花煙一樹一翁貌如鶴家家團扇春風顛少年蜀游恣清賞

芙蓉城闕爭雄長參軍錦里海棠窠家世朱樓荔支榜翁家有荔支樓

晚年落職爲南園蕭然鑑曲泛酒船醉來忽入邯鄲夢不夢公

侯四十年夢中教作蓮花主都典畫船與浦煙不隨仙吏依香

案較勝押衙居紫府東坡爲紫府押衙月支官俸酒千壺黃藤宜稱手

紅酥璇閨舊恨釵頭鳳錦帶新恩腰際魚惠山畫史南樓派能

貌大蓬醉眠態風來四面臥中央一片白荷花世界君不見紅

杏尙書春意酣牡丹狀元南海南笑余三載金陵夢也博紅梅

布政銜

樊樊山師題錢牧齋我聞室并序

柳如是作男子裝謁牧翁自稱柳儒士執弟子禮出入相從者數月會七月七日牧翁營彩舟於江上曰芙蓉舫遂
定情焉

乍見儒冠易翠翹絳雲樓上聽吹簫秋星斜照芙蓉舫纔是銷
魂第一宵

郭春榆丈題錢牧齋我聞室

空色相邀夢一場黃緇入道恣商量東風連日靡蕪綠莫復重
譚拂水莊

郭春榆丈題蓮花博士圖

麴壘幾生容酒隱濡巾老去溷詩狂湖山那有容人處清絕蓮
花是夢鄉

郭春榆丈題溫都監女窺東坡圖

玉局風流似舊癡儘將詞客誤髯蘇隔簾一瞥驚鴻影缺月疎
桐入畫圖

張齋庵年丈題我聞室圖

楞嚴十卷晚逃禪身後門庭絕可憐妾不負公公負國絳雲一
宅此青蓮

張齋庵年丈題楊妃病齒圖

沉沉禁苑集靈臺病齒登臨首懶擡一騎休疑荔支貢羽書恐
報孿兒來

張嗇庵年丈題董小宛病影風十里荷芬無語顰池官恐
澄碧空留水繪園影梅何處最消魂樸巢尙解憐愁病湘管描
來有淚痕

張嗇庵年丈題蓬門課子圖官萬爾蘇非千貳額何成錄
旌節蓬茅亦等倫誰家不望子成人若從堅脆論消息冰雪中
饒萬古春

論孝從來訓子書羣儉歐美變唐虞應知惑世誣民說不到班
姬與宋姝

張耆庵年丈題卞玉京小像

祇隨菴外錦原平芳草猶知衛玉京
繡嶺紅樓詩似畫也應不恨鹿樵生

張耆庵年丈題蓮花博士圖

歸來梁益倦征鞍天與安排博士官
萬柄蓮花千盞醪何如鷄

瘦濁醪酸

致仕後即
事詩中語

丁闇公先生題蓮花博士圖

除書新出蕊珠宮管領西湖曲沼風
十里荷花誤歸蹕此官恐

惱渭南翁

丁闇公先生題錢牧齋我聞室圖

維摩丈室散天花萬軸牙籤映臉霞一咲黃門真自誤
藤蕪香到別人家

丁闇公先生題溫都監女窺東坡圖

詩案淋漓滿北臺箇儂生小解憐才涼宵環佩魂歸日閒看章
惇過嶺來

丁闇公先生題蓬門課子圖

牽蘿補屋幾經年珠樹亭亭仗母賢教出他時呂文穆高堂明
鏡亦重圓

圖為大
侄女作

丁闇公先生題丹臺春曉圖

山如眉黛水凝脂秀絕瓊閨筆一枝壓倒宋宮楊妹子只因多

讀阿兄詩

丁闇公先生題山水冊

嘉道間吾鄉周子京鎬畫京口山水十二幀前年鄉人羅君雁峰得之余爲題識錫山名媛楊令弗對臨一冊蒼秀處不讓昔賢余與令兄味雲譚詩極契錫山清氣爲一家占盡真不數鮑氏兄妹矣 丙寅初夏丹徒丁傳靖識 并附一絕

蘭閨洒墨寫峯巒對此茫茫集百端到處風煙無淨土故鄉且向畫圖看

廉南湖丈我怨吟草題詞

魚山梵唄聽難真歷劫還留未了因早慧昔聞盧學士評書今

識衛夫人靈臺夜月愁無主

君闢畫室於西城良忠靖祠堂香花供養與忠靖女孤名慰男者相

識慰男請

玉爪長松妙入神

君所作松鷹圖大輻魄力沈雄為生平傑作濟寧潘鑑齋愛不釋手

余題詩贈之詩曰逸翮飛騰墨未乾長松落落向雲看英雄激發情何似慣歷風霜不怕寒其二曰俠仙自帶幽燕氣妙筆傳神勢

欲吞竹石如山安不 兄固才名應閣筆百年歌哭是鮮民

廉南湖丈題卞玉京小像

紅淚一雙送夕暉前身合是魚玄機行人不解興亡事滿眼松

嵐溼道衣

廉南湖丈題九歌長卷

衣鉢延陵交能參造化師一心戒定慧三絕畫書詩彈指迎仙

仗乘風傍綵旗觚稜猶在眼世短未應悲

廉南湖丈題嵩山高圖

山疑圖上見彫琢麗晴虛漫灑新亭淚還同彭澤居蓬壺真不
遠關董問誰如欲領荒寒味梅花月共鋤

曾農髯先生題我聞室圖

妾不負公公負國紅粉淚盡香化血地下再見絳雲樓應悔當
年心太熱

冒鶴亭姻長題楊妃病齒圖詞調寄昭君怨

剛把玉魚涼減早又荔支紅啖新浴罷蘭湯懶梳妝惹得六
宮羅綺都學香腮斜倚日日閉瓠犀鎮嬌啼

袁寒雲題董小宛病影

紅葉寒蛩一味秋茅簷病榻冷菴遊影梅憶語知何補入畫平
添萬古愁

唐玉虬先生題水墨花卉冊

無錫楊令蕓女士工丹青人物山水花卉無不兼擅壬戌
癸亥之間同客京師一日會於石雪齋中出示淡墨花卉
十頁魄力渾厚高雅入古蓋得崇嗣要叔之神而取其骨
者洵傳作也爲賦此詩冀附不朽云爾

水以澹長流月緣清故壽世間何者堪不朽惟恃精神歷諸久
我怨畫史丹青手妙悟人寰還罕有十幅生綃揮淡墨名花
腕底蕭疎發摹花之神取花骨毫端滌盡臙脂色臙脂艷色易

衰歇不見落紅多狼籍神骨離色力自雄萬歲千秋長獨立黃
鸝送盡人間春絹上仙葩凋不得天女散徧天上花唯留稿本
扁瑤篴待看地老與天荒重描花樣從君乞

徐養吾先生題花卉冊

林下清風自一家未容雕琢事鉛華世間紅紫嫌粗俗寫出天
真幽淡花

江亢虎先生題花卉冊

王謝風流迹未陳於今不櫛見才人埽眉脂粉都無用寓意丹
青最有神妙手拈來三絕筆女士吟咏書法並皆佳妙名花寫出十分春尋
常水墨皆天趣萬紫千紅揔後塵

朱健三學長題詞

小錄然脂豈屑論聊憑香草寫騷魂才名一字同皆令惆悵梅
村詠鹿門

丹青十載蛻深宮畫史能追漢史公閣下不遑憑記取江南淪
落笑扶風

一落江南十五年同門立雪竟茫然歸艤倘指津槁下爲報莊

荒一頃田

予與女士先後同
列陳毀庵師之門

悲嘯古傳魯漆室遠遊今抗楚靈均由來蓬鳥亦桑海知否蟠
桃會上人

日本詩人田崗准題詞

少小才名動上都相逢傾倒最歡愉更驚妙技與年進我對斯
人愧故吾

玉樹臨風詩思鮮羨君橐筆上輕船西湖煙柳吳江月回首曾
游二十年

袁霖溥先生

樹滋贈詩

渡江航海任逍遙疑是仙人降碧霄故國清宮傳畫史行吟出
塞貯詩瓢科名素厭黃崇嘏闈範猶留宋若昭冰雪聰明蘭蕙
質普教邊鄙振風騷

孫北萱表兄題詞

昔聞詠絮擅才華今見新詩籠碧紗百首宮詞傳誦徧始知闈

閣是名家

交枝梅萼景橫斜贏得才名莫怨嗟不信湖山清淑氣後先一例屬君家

陳亮伯先生贈詩

楊令弟女士余同年蔭北京卿從妹也時方自西洲歸國小駐濱關且有樽桑之行慈竈孝廉爲賦長句余從而和之

梁溪楊樞密已丑同歲生蕭齋足畫幘藏弄薄有聲令弟其女弟才調殊縱橫壯遊越萬里落筆風雨驚邱壑湊腕底乃益有大名頓轡花江上鑒家爭逢迎琳琅照四座妙墨儼壽平而又

善詞翰高譽何曄嶸遠希李易安卑視願太清吾知東人士讀
畫心爲傾鐘子吾畏友亦友於其兄謂其胞兄味雲作歌以張之比之
於關荆吾衰蓋已久開帙猶眼明不用門長句五言爲長城二
詩張壁間龍劍雙飛鳴

鍾遜庵先生贈詩

曩居京師與味雲同年共曝直廬忽忽三十載矣其女弟
令弟畫史北游花江才名藉甚爰賦長句贈之

吳閩粉本傳興唐石渠玉軸森建章大家供奉入內苑拭拂紈
素題宮墻龍樓待制銀燭光上官捧硯錦屏張宣和御押鈴中
央勅賜寶笈皆琳琅天上人間信希有翳何人斯楊令孃令孃

才藝咸第一生香栩栩南樓筆寫真不數郎世寧潑墨真入咉
煙室江南吳翁高弟子前繆後裕徒泥滓聲明壓倒波斯胡飛
渡重溟三萬里天風滄浪海西回袖中畫藁收蓬萊干戈在途
詩在篋雷岸空念蕪城灰我與明遠舊相識謂味雲令嫺才調
益心折松江之水淥如醅回從液池應太息

丁闇公先生題李清照畫琵琶亭長卷

琵琶溢浦咽秋濤居士何年拂彩毫畫就莫呈綦學士還防清
泪濕宮袍

郭春榆丈題李清照畫琵琶亭長卷

蘆荻空江百感身是誰阿堵替傳神青衫未必憐紅袖家國傷

心自有人

陳弢菴師題湖上晚涼圖

湖光山色切晴空轉轉坡陀畧約通
一鳥不鳴蟬亦歇柳陰消
受芰荷風

張琴舫先生贈詩

簪花詠絮擅清才遼島曾看畫本開
戎馬兩京路千里又携綵
筆出關來

味雲長兄題蓮花博士圖

乞祠歸臥鏡湖旁別署新銜奏綠章
消得花神齊下拜風裳水
珮萬紅妝

長兄題卞玉京小像
舞袖飄零鈿扇拋法華七卷手親鈔青燈古佛祇陀寺黃葉蕭
蕭自打包

長兄題秋齋清夜
一鈎淡月一絲風人在輕寒淺夢中如豆殘燈宵不寐微聞清
露滴梧桐

長兄題楊妃病齒圖
香濕絞綃吐未乾瓠犀微露怯春寒荔支空費西川貢一騎紅
塵欲笑難

長兄題我聞室圖

丈室天花夢不孤
絳雲捧硯得清娛
碧欄干外雙紅豆
散作牟尼一串珠

長兄題李清照琵琶亭長卷

四弦彈破月黃昏
千古青衫有淚痕
漫寫荼蘼惜春去
秋江風荻更消魂

長兄題溫都監女窺東坡

芳心脉脉逗靈犀
花下雙鬢一笑低
玉茗風流兼玉局
牡丹春夢隔香闥

長兄題湖上晚涼

湖光山色碧於煙
一路蟬聲夕照邊
團扇蕉衫新浴後
柳陰斜

傍鷺鷥眠

徐衡先生跋莪怨吟草

吾邑向稱人文淵藪清代末葉尤多奇才異能如華氏之算學
徐氏之化學以及製造槍礮彈藥等莫不名振海內見重於時
今楊女士令茆復以文藝超絕古今足與華氏徐氏鼎足而三
爲邑乘光也徐尙武拜識

蘇東坡詩集卷之六

今昔天戈未定時
 何處征人戰馬嘶
 萬里關山秋草沒
 一川風物暮雲低
 亂山殘照水猶清
 只有孤鴻背雁行
 遙想征人望鄉處
 夜深夢斷淚盈眶

蘇東坡

蘇東坡

蘇東坡

蘇東坡

蘇東坡

我怨室吟草卷一

無錫楊令甫著

古體上

哀雛鳶

西山有灌木鳶鳥巢其枝老鳶銜食去日午猶未歸雛鳶出巢
探宛轉不勝飢奮翼覓其母不知氣力微颯風折雙翼頽然墮
堦墀蜷伏不敢出痛楚哀以嘶樓中羈旅人起視中心摧人生
亦猶爾度德貴審幾羽毛不豐滿不足以高飛吾將謝百憂養
晦江之湄吾在鳶得食梁肉以時遺鳶母失其雛旁皇天半悲
吾欲縱爾去置之黃山隈爾無周防力懼爲獾獺欺恤爾豢養

爾旦夕暫相依

讀仲父臺灣日記書後

颯風吹次極漢月照荒壘鯤鱗激海波鹿耳臨江涘鹿江新漲
綠打槳出北汜鸞刀何紛紛斫取琅玕髓新琢碧環瑱持贈東
家子

皎皎野蠶絲青青薜荔穗携筐載玄黃螺文綺初製利鏃剖玉
肌眉嫵膩朱紫壓際三雕紋歲闌新藻繪

陟山采紅芋石罅多芳蘂采芋復采香製佩焙芳芷白茅生楚
南芳佩出鹿吧同作天家珍誰云荒島鄙

客自山中來刈去藤叢藪何以致殷勤塵簾餽蛇蝮山中日寒

食啖彘何須熟上官一何懦烹羊煮芋菽努力宣明德日沒繼
華燭六博猶未終錦氍陳蹴鞠

爲豹岑題蜀道寒雲圖長卷

昔人闢西陲經營幾版築山摧復地崩壯士死顛仆遂令棧道
通盤紆入峻壑窈窕寒山裏炊烟起林菽流風存太古聚族桃
花谷行人覓幽境不逐中原鹿偃蹇寧遠東轉側長江曲雲氣
鬱蒼蒼峯巒時起伏瞿塘啼夜猿巫峽度飛鷺楓圍左担道霧
失岷峨麓地僻絕紛華嶮巖阻塵蹟誰云蜀道危絕勝荆吏酷
海內遍瘡痍去從胡可卜何如圖畫中熙熙樂清穆

爲豹岑題宋包貴畫豹

大行之陽有巨谷紫雲華蓋衛林歛白石蒼崖識豹居狻猊奔
命蛟龍伏包公巨製奇絕倫寫出千秋名世神陰符韜略襄龍
虎千城意氣爲之馴漢高長劍北平弩誅蛇射石昭今古若啓
牙籤示此軸望風應亦驚神武長林一嘯千里驚驩兜饗餐歛
猙獠卽此可以長其族四靈誰使麟主盟洛陽巷陌銅駝笑霧
啓南山出神豹韶濩精華一夔足西戎獻雉空矜耀錦暉初闢
呈丹青寒宵風雨來山靈豹睛不藉僧絲筆自駛風雲戲北冥
桓侯具體猶云踞碧血空流未存蜀頭角何如畫裏雄震盪乾
坤驚嶽瀆不獨雄威擅絕羣璀璨然文采辟烟氛我來河北瞻山
斗不見金錢見炳文

鄴城秋戍曲

遙夜怨湘瑟寒凝絃凜凜起視夜何其霜飛凍雲密星辰橫漢
年復年魚雲翻影龍耕烟長楊衰遲山鬼泣春魂絮影馳幽燕
海紅簾底毳毼暖雙管參差奏河滿習習天風起白蘋鄴城戍
客腸應斷伯勞雙燕共煩冤豹夢沉沉臥九閨河上有梁公竟
渡辛勤銜石海無垠夢入南陔采蘭谷芳蘭幾度墮幽麓雨嘯
風嗥馬首迷回看還慮饑鷹啄北山荒草冷松楸鳥自高飛羅
未收邀得帝憐許懸解黃塵匝地速埋愁獅子頻仍申快悒象
口吹烟篆香裊悽絕烏雛避故巢天末哀吟蓼莪什雙眸灼灼
蘊酸風寂寞咸陽漢代宮曾記臨歧歌易水已拚踪跡久飄蓬

李外史詩
銅鋪鴛鴦飛英礎遙識宓妃深鎖處歲闌待作上京游此夕愁
心已南驚漳江春水碧粼粼昨夜騎魚涉海濱白門紅樹萎蕤
死不見雲中墮赤鱗

豹岑於北上道中和韻馳驛相貽因並錄之

朔風咽離什珊珊夜光溧大地愁踟躕長途深箐密披
拂荆棘日如年興懷肆志思乘煙朝發猶滯安陽郭暮
去千里復臨燕征車逐塵不向暖凍封雲合荒郊滿迴
颯獵獵起幽悲袁路初除莫嗟斷青山自古長埋冤百
身何由上九閭收拾剛腸還疏越青崖赤壁窮高垠歸
來故我向林谷猖狂寄傲太行麓七尺長軀更何仰眇

未道人眇蜻蜓猶俛啄太息望見催青楸景物初從歲闌收南
州未聞白鶴語孤月空對夜猿愁鰥然奈何情鬱悒雙
袂幾逢梅香裏忽起長嘯萬籟中忼慨由來託新什浮
世何如落絮風荒墟前代感舊宮當年歌舞安在哉恨
流青松寒生蓬高楹大宇留古礎人跡共蛩螢處雲
月追隨是所期此念悠悠勞馳騫圭塘橋外生春粼東
南悵望洹水濱岸上踏歌聲何有桃花潭深問錦鱗

膠濟道中再疊前韻

遠道挾錦瑟寒深狐貉溧海宇遍干戈孤懷自緘密赤驪驕鞍
矜盛年馳驅荊棘突塵烟春回暘谷堅冰泮陽關幾疊離幽燕

南行漸覺吳棉暖葭管灰飛行篋滿雲霽風恬客意怡歸程不
爲烽煙斷食梨井上忘悲冤荷鋤徜徉出帝闈曉發灞橋暮齊
魯湯湯河水望無垠夙昔馳思岱宗谷拂衣欲陟山之麓忽然
返棹入明湖陳魚試看烏鳶啄千佛山頭簇冷楸螺鬢盡爲鏡
涵收烟波一樣湖山異回首何堪憶莫愁逆旅青燈魂夢悒漢
家花萼溫磨裏何用黃金鑄范公五湖放棹歌歸什孔陵迢遞
仰遺風金石猶聞曲阜宮若許轍輶周宇內鴻泥到處誌飛蓬
明星欲沒城西址戒旦興觀浴日處乳烏啼延警秋門倏忽扶
搖似飛鷺海波演漾皺春瀨未盡依依漳水濱舞綵餘暇望天
末故人何處隕雙鱗

阜昌里

豐草綠稠掩江芷芳蘭佩結芳心死風雲異色鬼夜啼終古圓
靈淨如水梧高風勁鷓鴣飛長江瀨急搖碧漪碧漪演漾流無
絕鼙鼓秋風忍重憶朱輪繡幄揚清塵何處路旁人戴笠釣天
且晚舞霓裳哀絃誰復理湘瑟魚書疊疊覆巾笥永巷沉沉共
湮沒

題袁慰庭宮保滄江垂釣圖

大木誰支天宇缺未盡丹忱鬢如雪旌旄黃鉞等敝屣滄浪濯
足驚黿鼉黃河清淺白雲深雨笠煙蓑上釣磯粃糠陶鑄伊臯
業一曲南風巢許心

朔風薦櫻曲

題潛鱗女士鹿吉里憶語
用鹿樵生永和宮詞韻

蓬門璧月映櫻花
匝地烽烟感歲華
迨古試乘雙鹿輦
笙歌初棄五侯家
闢就茅廬偕隱入
黎藿同甘數晨夕
當年深護綺羅叢
名在昭陽推第一
紅淚無端浣絳綃
離鸞有恨寄霜毫
朱門倩賦公無渡
自拍紅牙譜碧簫
此時遊子縈鄉思
南望倉皇憂戰事
縱有青蛾慰旅愁
不堪白髮無人侍
青箱夜疊溺新恩
有約何辭逆至尊
萬里誓隨君馬足
一宵寧忍割溫存
燕去雕梁罷游讌
翔風夜勁朱櫻荐
盈堦葉盡冷炊煙
侍兒苦憶昭陽膳
羽書日夕下天南
瞬息風雲萬變含
一棹明湖逃范蠡
療飢歷下市黃柑
幽篁遼谷添寒意
夢斷五陵朱紫貴
南浦依依和淚

看扶持鼎力期盟娣巖壑尋重南陔蘭河陽淄右共承歡可憐
白袷風塵病神女天涯入夢難碧緘珍重靈犀印欲令君知使
君進擬託良媒亦自傷絕情故作驚人慍上元風雨罨春城瀝
血初成割臂恩慟絕玉人忘瓜李錦衾親暖撫創痕雀屏本待
金吾尉寡人有疾惟好利桃李頻承雨露滋司徒誼重呈家伎
緹縈嬌小里稱賢率土王臣父命專逐客令消巖壑冷紅顏詎
使遂歸田懷慚重食青宮俸冷落津門陋巷夢願爲明月入君
懷繁霜深阻羿難從秋風鼓鼙鄴城愁劫後孤鴻感昔遊野老
方耕原上黍烟氛又起石城頭去年手把青梅戲涕淚天涯望
昆弟薦蘿何用附喬枝刀環久自輸誠意一從選入上陽中醮

醜私陳憶蜀宮戎馬羈遲滄海客掖庭人瘦蘊啼紅九天縱有
新知樂回首東南氣蕭索奪棗爭梨禍閭閻更愁舊室成墟落
哀歌河滿倚匡床上苑繁花瑣曲房海漏初長宵不曙荀衣香
歇簟生涼露冷蓮房暗霑臆願辭金屋求容膝槐市曾期售鏡
人捲簾望月長相憶開元殊典出椒房慷慨楊公返樂昌若使
雙飛入林蔭栩栩欲化夢中莊越女吳姬漫顰蹙長門雖入寧
非福祇令續史不承恩扶入車中不須哭洛水縈洄夕照黃宓
妃多事感陳王驪山一度傾城笑不惜西京社屋亡戚里長安
門朱轂今看生女光門族朱門從此闕終南暮夜苞苴求不足
吳宮香徑賸冬青驅馬經過齊女門千古傷心畏讒意墓門慟

哭遠歸人風雨二陵新木拱橫刀默告要離塚立功願斬潢池
酋乞取宮花返山壘巫山雲出夜猿哀安得詹尹卜未來惟有
御溝鳴咽水年年宮怨付秋槐

長門月

宮鴉啼徹長門月紅藕香殘驟飛雪意氣輕移承露人咸陽道
上衰蘭泣北來海燕痛巢空重向南朝弔故宮蕙帳空懸萱草
萎荒陵猿鶴泣西風不堪回首承顏日日暮飛書來紫陌燈火
千家慶上元龍山月上人歸夕鳴騶多事入山深却取花枝植
上林黯黯藥煙茅屋裏白頭病榻念嬌嬰可憐六尺憑誰寄萬
里金門焉可冀朝聞噩耗夕乘傳初心不負彌留際月黑霜繁

永夜長精禽銜石恨難償翻雲覆雨須臾事水溢河梁空斷腸
六宮自昔無佳麗太液池邊歌吹細常向樽前鬥細腰何人解
識無言意錦瑟休彈子夜歌蛾眉謠詠怨東阿長門深鎖櫻花
老天上人間可奈何

乙卯懷歸用繭師上已韵

二桃殺士三智稱齊晏子路鬼闕高明何莫非爾爾浮雲豁醒
眼濯足滄浪水松楸萬里遙海上三山咫陋巷廢簞瓢餘生猶
戀此鴻雁自南來開槭淚盈紙白頭保氏存來去皖江沚長松
長茯苓荒畦落苦李雕蕞壞當戶霧幌委堂陛北闕裂荷衣空
山絕幽士何時一茅屋重屏紉與綺晨夕共藜藿聊以慰所企

歧路歌迷陽偃蹇何所似邊陲方岌岌關塞盡荆枳縱橫術加
厲板蕩悲今史殷憂襲魂魄芳華縛形體市籛玉食驕巢覆孤
雛涕春暉望已斲松徑尚可履慟哭懷荒陵盍歸旁其趾保氏
已龍鍾相依復有幾

附錄繭師上己原韻

去年三月三觴咏南海子今年十刹海踵事聊復爾京
洛浣緇塵睽茲一勺水笑倒弄潮兒海水不盈咫舊侶
在江鄉勝遊百倍此深情不遺遠千里函素紙淞浦渺
可接令我懷芳沚冥想味蓴園采采盛桃李繡罽藉欄
楯文石當堦陞芳草寄遐心修竹稱佳士薄暮來軒車

裙履紛紜綺雖無管與絃幽情至可跂及時暢懷抱山
川猶昔似伊余方孤羈好懷委荆枳疏狂抗朝卿蕭條
依掾史玄髮不盈顛塵垢乃積體誰能久京洛空流染
絲涕藉詩一祓除下幃明素履詰朝驛使南悵望吳山
趾江介故人多詩成已有幾

中央公園夜歸

璧月麗飛蔓虬枝橫蹕路紫殿明華燈雜英圍礎柱燕趙多麗
人笑謔隔密樹良夜驅歸轂獨行畏零露臨流鑑清影察察甯
自誤靳尙絀靈均孤懷寄芳杜登徒譏宋玉徒以服紉素孤露
戀餘生殉皇難自處誰能棲枳棘感感悲遭遇誰能縛紛華臥

寐多顧慮願爲一孤雁歛翮旁親墓舒我清剛氣遂我松筠慕
或有齊魯人挈我速茲去

時長兄在魯長財政

輓良瑛

三姊侍姬也

海疆日以蹙陵夷幾滄桑骨肉阻秦越道路修且長萬里噩書
來披箋涕浪浪失輔憐吾姊草書淚滿行昔年全盛日兩世矜
蒸嘗吳中臺榭在喬木鬱蒼蒼青年賦柏舟扶櫬歸故鄉綠衣
有良佐聊足慰淒涼撫孤囊冢嫡晝哭媿敬姜艱難十四年大
節勵冰霜斯人胡不壽朝露易銷亡黃口猶未立嫠懷摧中腸
揮涕告戚里徵誅揚幽光我抱网極痛邈焉哀芾莊

小芾小莊
姬之二女

煦有嫡母炒獨吾尤傷閩南蕙帳冷故國邱隴荒拔血一回首

終古恨茫茫

戰將壽袁豹存慈母沈夫人

吳山吳水鍾靈淑
葛藹葱蘢纍樛木
百輛車馳紫陌塵
笄年作嬪金張族
曩從檠戟駐天津
班左芳輝溢紫宸
領袖蘭臺班早序
恩承長信樂長春
汾陽有子皆孺慕
繞膝熙熙戀慈煦
鳳詔頻頒阿士賢
風詩已協碩人賦
刀圭屢奏茹艱辛
副笄委佗主藻蘋
上國徽音流夷服
天家彤管記清芬
東藩構難干戈作海甸
飄搖警風鶴轉徙
不使板輿驚應變
倉皇覩才略寄旅芝罘
析木居迴環碧海遶
穹廬分勞冢嫡持寒素
指授庶姬內史書
此時海內方多故
又見妖氛動畿輔
湯藥親持奉北堂
流離轉

輾歷齊魯歷盡憂勞壯盛年十年多病息仔肩月明南苑酣歌
吹寂寞簾櫳罨葑煙德容穆穆足矜式內治孜孜勵謙抑宵旰
能分元首憂二南雅化周邦國天上桃筵獻瑞莫盈盈紫氣滿
蓬瀛投壺玉女殷勤祝仁孝由來享遐齡

乙卯六月二十二日簡

繭師

文獻

落日麗長天南風吹碧杜悒悒籬畔人寂寂弄紈素澤葵依露
井驕陽逼當戶東閣罨蛛絲零落舊箏柱風光殊疇昔蕪穢室
居處荃床與蕙幃羅列東西廡敗革漏木棉蒺藜刺肌膚當牕
青玉案足折不可拄地濕朱毡氈毼屋漏墮塵土寥寥一明鏡流
光及九字朱轂折珊瑚鞭羸馬死道路應門有垢面執櫛選僂僂

赤足側目趨旁皇伺喜怒中門日敲朴俛首不忍顧荷鍤刈蒿
萊嬉戲偕僮豎吹管復調箏清商協律呂孺子遊不歸章台攀
柳樹主婦驅輕車日暮赴樗蒲瑣院芳菲隔皮閣圖書故慙慙
畏敗饒脉脉餐風露詩人失敦厚悅詩轉憂懼溽暑疎重譯鈎
翰不成句明月懸疎桐清光照烟縷長夜無好懷湮鬱其誰語
遼陽好音來舊傳欣得所怒焉兩月憂貧女爲所誤陳辭效魯
連有過喜能補鮑叔效忠悃賣珠輒爲阻阿兄善慈幼迢遞隔
齊魯紅樓遊冶侶太息相延竝孤懷殫言笑不越雷池步伏處
尙憂讒涕泣零如雨

題周養安師篝燈紡讀圖

軋軋機杼聲啞啞烏雞語流水遶孤村葵藿發秋圃白屋一燈
青寒窻一几拄辛勤箐瘴域屯蹇會城路悠悠廿餘年樂境等
閒度長安羈薄宦旦夕切哀慕沉沉陰氣襲赤子中心苦修短
孰能違曜靈不少駐當年煢蔓青此景屢回顧歸來資翟芾白
髮已黃土慟哭摧中腸憫凶遭薄祜塵路多崎嶇失恃胡從訴
發軔將北征桃李誰延伫羨彼陟屺人俛仰見鄉樹垂老隱退
谷披圖述慈煦

輓孫太孺人

歲晚意忉怛叩扃來故人班荆悲逝水揮涕語酸辛憶昔旅畿
輔倚門俱有親安貧痛吾母立髮矢松筠行役憐予季含熊戒

履仁途窮歸可隱養志寧絕塵哀風起秋暮閔凶遘郊垠涼德
獲天訶薄祜餘一身白頭羨君母頤養得其真夜雨春菰米晨
炊析束薪分甘憐弱姊推分卹里鄰戚黨著賢譽六經善指陳
書宗顏柳法繪得管姬神繼承復有女雛鳳擅經綸才高媿班
左陟世足醫貧方期享遐年詎意朝露湮九秋氣肅殺寒泉泣
青燐別來幾寒暑共此遭凶屯何以報劬勞瀝血哀難申空山
墓草衰風木咽霜辰

吳觀岱師六十壽詩

昔時涉遐想緬想羲皇時羲皇世遠不可及滄海橫流撼陵闕
生當叔季櫻百憂極目迷離眩五色歧路徘徊悲素絲何去何

從我安擇大哉道子誠吾師道貌蕭然若古柏夕陽深巷炎塵
紅風來草堂愁瑟瑟四壁烟嵐墨瀋飛滌硯清泉手親汲問難
知余根柢孤汲引諸家勤啓迪揮塵高談南北宗超逸古人師
造物先生論畫秉禪機諧氣含灑托楮墨閉門便是葛天民開
卷何殊窮八極商山採藥寫心期身世兩忘天地闊

我怨室吟草

古體下

寶刀歌

并序

丙寅夏正致賀

友梅景蘇

二叔父

友梅叔母以古撲刀見賜

曰此百年以上物也懸之可以驅除魑魅歸賦五言四十

韻謝之

方春播微雪瑞靄揚光輝卜寅物交泰止戈期在斯作賦梁苑

東歡聲騰九達驅車出西陌朔風吹我頤東西拜叔父言笑盡

恩慈京洛十五年回溯少小時挽弓索棲鶻挾彈城南隅

其時友梅

叔父居棉花二條每與菲比打彈弓

八义弄鐵丸

菲與鈴皆能

叔父同時舉百斤鐵啞十六舉諸昆弟不能也

螳臂當老夫

蕭與故讓之呼曰兒勝矣

叔亦南方強輸爾黃髮兒

願盼得奇氣異彼窈窕姝謝庭漫專美矜爾英武姿頻年家國
患哀樂與昔殊眉宇結隱恨文弱習禮儀寒蟬噤不鳴進退咸
矜持浮雲蔽白日鵲鴿將何之弱女異共叔矢願常相依奈何
閉東閣歧路使徘徊左右閑兩廡食客履珠璣安得餒餘飯療
兒宛轉饑八月居離宮饑來饜藿藜感格時未至羅張鳥遠飛
遠行得良輔更挾匕首隨匕首不剗人倉卒備自裁鏤石以見
志申生介之推蕭自鏤小印曰伯夷叔齊申生介之推後身憂讒瀋陽道乞米遼海
涓歸來鬣鬣消蜀道轉康夷涕泣求啟關厚幣所不辭所患流
亡久悠悠貽衆譏欲織於陵屢矯情不忍爲至誠能感物墳簞

復舊吹同理名山業校書付棗梨從頭謁叔父叔父釋憂疑錫
我以寶刀命我懸床帷縱非馮廬貴班駁土花滋夜夜匣中鳴
魑魅不敢窺多難以成爾母爲薄祜悲關山經險阻居易戒足
垂殊鄉雖云樂不如守中閨努力崇明德幽顯惟爾期感此電
勉意一一書衿襜

北海嬉水歌并序

改元十六年二月朔華夷士女羣集西苑之太液池競於
水上作天魔舞予偕同邑曹慎予女史暨姪女數輩游漪
瀾堂小立觀之忽有海西二暴客毆一吾國儒者血被欄
楯予等掩面不忍觀相率避於九龍碑下日暮言歸涉水

南渡失足者三人予傷左頰爲長歌以記之

渚宮日午霜風靜碧海琉璃凝萬頃嚴城車馬競嬉水關塞蕭
條陣雲冷黔中易子析骸哀畿外田廬幾劫灰必有兇年天斬
雪荻人赤幟樹崔巍丹青誰寫流氓怨朱門晝夢魂繾綣青雀
移來夢醒初五陵兒女腰支健漪瀾門外幕如雲暖藹輝遲九
陌晴楚妃環佩遺圓嶠玉砮透迤隔水晶離宮弛禁供冰戲沉
冤尙記遼宮闕回心院址玉勾斜臘粉殘脂波底膩我來太液
問凌人俛仰興亡曲水濱九廟淒涼忘伏臘白頭妃主泣風塵

瑜璿兩太妃住十
利海近北海後門

繁華重啟瓊花鳥獵獵霓旌臨輦道狐兔樓

遲數百年雕甍楮瓦生衰草忽然薺蘗起水池越豔胡兒舞柘

枝十二年中新袞冕行人誤認漢官儀
蝶衣別有嬋娟子嚙齒折腰馳遐邇
隨苑曾餘剪綵風天厨蔬碧琅玕紫
未央班樂列華夷暴客何來黃髮兒
生當喪亂儒冠辱觀者如山盡裂毗
我聞此事心摧折却願朱欄凝碧血
依稀律呂變徵聲天地陰陰呈異色
遙知隔浦有招提龍護豐碑隱舊蹊
相率須臾避塵去拂衣遠涉大隄西
恹恹不記臨淵厲前者披靡後者繼
玉山頽兮迸臙脂狐裘不暖紅冰細
玉樹歌殘倍愴神臨深履薄謹書
紳魚龍潛攫丹砂屑應有靈芝產海
垠

畫山茶并題

月明擣出丹砂屑犀甲稜稜堆艷雪
赤城霞奪海榴紅神妃夜

解珊瑚玦天雨繽紛翦絳綃錦窠密葉棲寒蝶君不見深閨思
婦淚凝冰壯士沙場飛碧血世運凌夷盟黨驕術士縱橫弄長
舌此花不列歲寒盟遺世倏然秉奇節起抗玄暝殿衆芳不知
青女霜威烈

畫令箭荷花折枝松并題

蓮花比君子松樹號大夫世亂君子僞大夫效張蘇風雲日以
厲禮教日以汙農夫輟耕泣烽火燬田廬長安填餓殍粒米如
明珠將軍叱咤生雷電戎馬飛馳衝令箭大夫君子待策勳蓮

花帳下供驅遣

令箭荷花歐州產自粵中流入海內舊時花鏡
中無之前人無詠之者陳槐堂師畫之曰此畫

家之新紀元也宋若夫人亦有寫生之本予畫時恐染歐習迺
繪枯松爲輔并題五古一首此花入畫始自槐師入詩則始自

合弗并
記於此

灌園叟

并序

灌園叟馬叟孝友誠篤樂道安貧吾母生時不受吾家一粟
吾母棄養舅年六十有五予請於長兄俾居吾家廢圃於
乙丑歲有縫工顧狗者曾役於吾家比因失
職南還見吾舅所居在吾家巨宅之右可得門第之庇迺
僦其屋爲樗蒲場夜獲數十金
來有司不敢問也爲長歌寄伯姊俾慰舅氏焉
灌園叟七十偃僂髮如帚敝袍絮薄冬不溫春穀析薪常龜手
憶昔洪楊劫火餘歸來廬舍成邱墟母子飄蓬無止所啼飢有

妹及笄初飢驅鬻女朱門裏主人篤學耽文史青燈背著守寒
氈副笄代主蘋蘩祀嫡男未冠嫡女幼十指辛勤供衣履淑德
從來命不辰主人中道赴修文已拚一死從泉下奈此呱呱乳
下嬰食貧豪族淚如瀉古井無波女龍寡先德居然裕後人郎
君官貴施行馬六珈方乞紫泥封憂患餘生邁鞠凶龍山一片
傷心土萬劫人天恨未終孤兒誓繼名山志阿兄新置平泉地
怛惻陳書爲渭陽一椽乞附先人第受命競競晝掩關日高負
戴灌園還循檐索笑孫兒女婦子熙熙意自閑膏腴之地人爭
忌天北歸來獠犬鷲千里矯傳逐客書提携老幼倉皇避關山
處處阻烽烟呼籲難憑雁足傳辛苦營巢經鳩占風餐露宿度

殘年朽樞敗檻生薇蕨一朝化作芙蓉闕芙蓉城闕樂未央
夜半呼盧晝未歇緘書昨夜達長安逆旅驚心掩淚看阿兄亦是
繁霜鬢居易無爭姑自寬人生貧賤難辭辱舅氏康強差自足
願分歲硯田餘力爲外家營草屋

榆關道中

吁嗟度榆嶺悒悒戀舊京越彼長城闕俛視河水渾鬱雲經中
天倏忽翳曜靈曜靈尙可掩况迺曙後星璠璣雖美質圭璧磨
以成人生貴安命藻志悅吾生居安苦紛擾胡不事遠征父老
結吾綬嘆息懷悲辛揮涕謝父老榮瘁何足憑靜以觀物變會
當散浮雲驅車千里外春末迴飈清靄塞霧低冷冷暮雨零

牛羊集平野隰上草木榮壯夫擁裘來日午事耕耘雄關控北
阜夜半悲笳鳴道旁新圻堠纍纍接古城遼陽景枯寂王氣黯
二陵清文宗葬北陵
清太祖葬東陵緬懷數百年傾府苦經營霸者幾人在成
敗歸荒墳荒墳不可保歲久巢颺颺胡爲競意氣昧此今古情
伏處與奮飛吾欲忘吾形願爲中林葉因風還舊根

空谷蘭電影借景於廉南湖先生之西湖小萬柳堂銀幕
初開湖山如昨賦呈南湖先生

丈人昔住西冷曲萬樹垂楊繞廬綠空谷團年招隱淪靈根獨
證迦靈諒剪淞臺榭擬蓬壺小閣曾藏十萬書貝葉蓮花松雪
字先生舊藏趙松雪墨迹蓮
花經長卷今歸吾兄蔭北輞川山水右丞圖中年深闡楞嚴

偈梁孟風流盛海國載得華鬢掌典籤簪花體寫東征集西城
寒食刼餘身淒絕黃鱸失故人盛衰不易真肝胆殉國誰憐亡
國臣天荒地老傷心絕苦憶紅羅飛碧血古刹森森佩劍存忠
魂廟食遺孤立恒河劫運起烟氛幾處沙場戰血腥一心悟徹
皈潭柘願爲蟲沙懺宿因嗟余生晚知無幾泚筆何能記高義
南湖南海舊丹青吳觀俗師爲先生畫南
湖詩意冊及流水音長卷廿載淵源師弟繼
郊垆禾黍感飄蓬小謫昆明住故宮龍戰立黃強食弱放摩獨
見古人風佛墨摩頂放踵之學
先生之爲人純本乎昨夜清游開幻景幕中忽湧南
湖影湖山依舊主人非丈室荊扉容豹隱入門四壁太蕭然忍
說揮金結客年危邦不復知窮達贏得千秋風義傳

贈賦呈南湖先生

緣溪有陋巷遙接城西陞巷曰高義伯中有高人棲先生棄軒
冕高臥羲皇期千金急友難自奉藿與藜孤山俠女慕勝國烈
臣祠往復與經營抗塵不辭疲吾師遣家難萬里賴提携嘉余
耽六法衣鉢延陵遺助我良殷勤一一如吾師晨昏論禪理遠
道致勉詞八月阻東征歸來壯志灰團年繼空谷喜與杖藜隨
列坐談瀛洲童稚歌且嬉囊空圖史在婦子樂熙熙主人列酒
漿主婦進棗梨哀此衆生劫減膳罷甘肥飽德勝八珍旨哉蔬
與醢酒酣出一紙密字如游絲憶昔王右軍學書法衛姬叮嚀
慰觚叟命我藏巾箇今夕是何夕所獲皆珍奇凌晨拜從父得

劍如虹。覓日暮登公堂。賜書代歲儀。書劍壯行色。吾其游九夷。

謹畫壽星為張嗇老年伯壽并題

狼北星分淮亳野。中天白露銀河瀉。漢家律歷誌初軫。角亢數
起長生嘏。天開陽氣升明堂。太室光來列宿張。幻作老人遊宇
內。治平則至壽。而昌宣和朝。野爭驚異杖藜扶。入深宮裏松雪
齋頭為寫真。美人捧硯鉛華膩。海西阿母儀萬方。蓬髮虎顏綵
勝粧。上下古今歸一縑。人間天上恣徜徉。噉桃人竊龍眠術。揮
洒霜毫忘典籍。汀蘭岸芷綠萬年。帝子湘靈來咫尺。

余以龍眠
白描九歌

中東君湘夫人稿
改畫壽星王母

更承啓迪感殷勤。重洗鉛華寫記聞。

嗇老命
詠壽星

為講壽星掌故數則曰助
爾詩思余所繪者乃白描

他日鴻飛歸北闕。墨痕爪印留氛氲。

蓬萊釀熟三千歲同酌兕觥菩提醉綠陰一碧蔽南洲烟塵不
到桃源內

滬上得嗇師詩散步原韻却

姑射有神人寒暑無所苦不問土山焦金石流如雨吾欲從之
游餌芝餐鳳脯一從接高蹈吟情增幾許勞勞觸塵網咫尺阻
衝字何以遣沉憂縱觀江海巨悠游志於學遑論燕與滬閉門
樂葛天下帷驅燭暑老嫗識襟期旦晚貢蘭杜孤星出處艱人
盡可爲主盈盈望桃李脉脉不得與去來不自知委之造化數

附嗇師原作盛熱簡令茆滬上

少陵作詩瘦猶被毒熱苦寄詩崔評事白頭汗如雨昌

黎磊砢肥惕膚飶蒸脯取快鄭羣簞甘寢哈臺許風漪八
尺外天地無大字楊生清妙才高格丈夫巨東南惡濁區
襜襪集於滬羅綺爛若春冰雪戰當暑排遣影共形作計
指畫肚渠渠介山樓雲霞待人主水竹貯清涼任取曾無
與江上日南風烟帆倚樓數

張公召棠囑題其二女蘊

華璞

遺像

陽春塞草枯新塚何纍纍中有二女墓迤邐依豐碑慈父憐幼
殤爲文摯且悲披圖示穉態韶歲肅容儀敏慧善承顏椿萱方
華滋胡爲棄親去遺蛻江之湄兩間忌全德天缺西北陲有親
不永年孤兒康且綏天涯薄祜身感此心凄其關中烽火急兄

弟傷別離故宮禾黍長顛沛念諸師道途或但化瘞旅當爲誰
達人齊死生修短歸荒陴重泉豈無樂墳箎相繼吹日月照大
荒江流日夜澌薪盡火常得情文千古垂

題吳觀岱先生湘江擊楫圖

寄涓先生囑題湘江擊楫圖長卷披圖得見繭師手翰石
工亦有題詞緬懷京國棖觸前塵悲愴之情不覺其見乎

辭也

湘江鳴咽自千古帝子不來弓矢麻嗟彼孤舟放逐臣荆棘縱
橫蔽芳杜隔千里兮共月明望美人兮道修阻哀吟澤畔復何
爲擊楫寧從祖公渡長安北望烟氛深天南亦復驚鼙鼓龍戰

玄黃碧血飛延秋門上烏啼苦男兒意氣薄蒼溟誓靖中原逐
驕虜慨然涉險如康莊破浪乘風任來去人生出處會有時出
爲周召處巢許滄浪濯足蒼雲舒止水盟心清楚楚萬壑千巖
腕底收遙接桃源避秦處披圖如聽湘濤聲豪句新題字飛舞
漫說文章盛建安梁園賓客半塵土焦桐已寂廣陵絃雪印空
尋淚如雨靜數滄桑湖海間何年重入春風宇萬里還聯翰墨
緣高山景行懷湘渚

代八哥壽海軍總司令參謀長何公質玉六十

伏波昔橫海遐邇仰令名僕射屯新安士卒頌父兄必有匡濟
才艱鉅賴以擎海疆值多故選士重千城定遠具雄姿投筆事

遠征裘帶何雍容萬言倚馬成建牙統犀艦破浪乘風行酣戰
北海區叱咤魚龍驚鴨江陣雲黑矢石集羽纓羊城短兵接穿
脇血肉并褰創關壯繆談笑揮戈兵百戰身先驅陟險屢化亨
樓船狎洪濤重洋駐旆旌歸來吳粵間兩袖霜風清頻年閩內
外贊畫多心精但聞劉功曹威德衆所傾武功既卓絕文采復
蜚英或揮盾頭毫筆陣忞蹤橫或聯東閣吟欬吐霏瓊瑛或賦
橫梁詩浩氣凌滄瀛景宗諧競病敏捷未足矜名將本不凡戎
馬稱書生典兵數十載守志樸以誠宗黨藉扶植羣季皆崢嶸
令子秉義方雛鳳多清聲鴻案慶齊眉齒德尊且榮我昔戎幕
隨幸聯苔與岑懸弧值令旦且獻長春觥

題莊韻香姊西湖松鶴山莊

蜀清守丹穴秦皇爲築懷清臺魯連蹈海濱布衣意氣千軍摧
晉陵從來盛文物蛾眉亦自矜氣節終風不寄璇璣詩任俠每
令冠蓋折閱盡滄桑陶猗間勘餘造化悟真荃意象超乎萬物
表林巒花鳥恣流連浙中山水稱雄獨冠絕洞天三十六孤山
高士嗜梅花長堤白傅留芳躅旁湖千頃愛吾廬一片靈光接
紫虛絕壁千尋來鶴舞長松千尺護幽居繞戶名山何窈窕林
間木落振清嘯瀏然天籟鳴飛泉奇峯飛來對之笑攀析芳馨
紉爲佩渚上芙蓉與蕙荃閒翻貝葉東齋外呵禁魍魅蚪龍眠
我欲膏車入盤谷旦晚從君證慧矚小山叢桂招隱淪何須少

室求瑤籀

故扇

剪穀伐湘筠，贅以黃金綬。團圓紅箴輕，宛轉應君手。犴狴畫永
記相隨，起抗炎威爲君壽。露凝雲渚玉花寒，長信宮前秋草茂。
同心結子裊嬌黃，翠錦爛斑失文繡。願教棄置傍丹鑪，不堪依
附君懷袖。

舊簾

簾額失湘紋，鸞花半磨滅。玉樓昔日護韶顏，棄置復遮厮養室。
玉樓中，厮養室，冷落繁華共湮沒。臨春結綺無餘迹。

行路難其一

申生死難介推焚身夷齊采薇首陽岑清剛不屈之氣還造物
造物賦我又復如前人誰能顛倒造化小兒手臣朔自欲齊星
辰鬼瞰高明左右伺白圭那得沾微塵結習不能忘綺思來纏
紛瓊樓玉宇出腕底龍蛇入手生烟雲雲生遠岫任舒卷回頭
笑看沙蟲嘖被薜蘿兮采蘭若冷然來去嬉陽春

其二

漢室方承平胡爲堪痛哭戰國流風猶未盡士挾縱橫競相逐
少年中熱誇事功浸潤天潢讒骨月君不見范睢得意穰侯嘖
當時炙手勢莫倫又不見商鞅事秦爲怨府事敗卒爲五牛分
長沙謫去賈生死漢文畢竟持寬仁

長相思

長相思思無竭月落河梁天地闊
笛聲吹夢渡河水夢裡騎鯨
醒寤臆百城蠹盡悲故園一室專
經戀京闕當年剪綵隨雁行
只今相望天之末白頭舅氏猶負
載且暮不能避霜雪師保並
龍鐘相看不忍別幾回結綬復
遲迴恨不化身千萬億側身四
望暗嗚咽不學喁喁兒女泣

自題鐘馗朝天圖

乙丑元日

終南山水清且漣奇士突出如瑚璉
胸羅正氣億萬千士貌胡
論蝓與妍廟堂蹭蹬來林泉奇峯怪
石恣流連竭來移宅白雲
邊囊琴匣劍羣鬼爲之遷有時嫁妹
過東阡華燈簇簇駕鬼肩

有時策蹇山之巔
魑魅張蓋垂鞍韉
鬼不爲崇民豐年
心恬意適形神全
與民更始鴻鈞旋
屠蘇柏葉列几筵
研朱醺酒拂楮箋
齋心薰沐誠且虔
爲公圖像上凌煙
既不啖鬼復不醉
眠端紳正笏朝青天
舉頭見喜蝠在前

乙丑元日畫牛

生不聞沙場鼙鼓聲
復不能籥雲逐電
而與騏驥爭不從老子
出函谷不因廟薦供犧牲
辛勤荷軛事躬耕
花蹄踏破隴頭雲
三聲兩聲笛韻清
掛書角畔天宇晴
遲遲麗日倉庚鳴
主人于耜藉爾成
主婦饁畝葵菽烹穀
既登兮原隰平
主人朋酒酬豐盈
爾亦悠遊鬻草莖
春溪水碧春草榮
飲且食兮壽而亨
舉頭

喘月望八瀛願因建丑卜藏兵

大嫂壽詩

金章鳳藻天上來凌雲棹楔何崔嵬中壘高風昭茂矩桓整久
已女宗推東海嫗來稱萬石仁人合署長生籍年年海屋屢添
籌更喜令名垂竹帛里中父老溯從頭徽國家風丕遠猷先世
宦遊居歷下閨中純孝早傳流桃夭迨吉朱陳締宏農亦是名
賢裔鹿車鴻案著賢聲主祀蘋蘩率諸娣大故橫遭賦柏舟豈
爲溝壑重親憂白頭更有重幃在殘喘皆因大義留廿年謹事
祖姑疾嘗藥調羹如一日逮事舅姑三十年婦職還兼代子職
祖姑夙慕古人風爰建嘉謀法范公減食節衣成義舉德徽曾

見邑乘中惟時適值兵戈後里閭凋殘罷耕耨艱難終得遂初
心股肱由來籍冢婦承顏養志執中堅五百膏腴助義田紡績
不因文伯輟避名每勗介推廉阿士多才秉母教乘槎曾涉扶
桑島越南燕北積勳勞陳情乞養歸田早于思時效老萊嬉訓
子常冀燕翼貽矍鑠老親同課讀丸熊午夜不辭疲江海有容
澄水鏡不偏義理持公允翕然內外服權衡剖析能令宗黨凜
嗟余湖海感飄蓬薄祜蕭然剩藐躬千里音書勞慰問遠歸撫
愛出由衷六年得受覆幬久步障解圍何足數阿咸請續白華
篇南陔擬介期頤壽慈煦普及感瘡痍北望哀鴻逼近畿滄海
何妨輸一粟敢因衰朽縱奢靡延齡釀熟茱萸節濟濟孫枝列

堂北華封人爲祝三多九龍佳氣通南極

蕭南爲大姪女作蓬門課子圖并題

終風自南來吹我空庭廡
遣憫傷頷人涕淚日如雨
昔爲掌上珠誤擇吹簫侶
憶昨結褵初同心共甘苦
安貧屏僕妾荊布操砧杵
辛勤十餘年君子豐毛羽
裨闔輔司農驕矜驅吏譖
走馬章臺間揮金結豪賈
溺彼邯鄲倡挾之走江浦
羅掘供纏頭廣廈償朋賭
關山音訊隔糟糠竟遭拒
高堂有老親子幼咸待撫
妾在空閨中旁皇失所主
空賦白頭吟其如逢彼怒
西北有高樓是妾舊衡宇
父母乘朱輪弟妹曳紈組
妾自避繁華艱難守蓬戶
杜門謝戚黨掩泣減珍脯
脩竹生庭除日暮徒延佇
炊烟

起荒竈蕪穢積堦礎老嫗髮飛蓬茆屋牽蘿補大兒負笈歸小
兒剛學語仲子天之涯陟屺復陟岵含熊課大兒蘊絮爲季貯
械資勗吾仲努力事汝祖憫憫懷長幼惻惻悲幽阻安得浮雲
開丹忱爲君吐

賦呈孫馨遠上將軍

我歸自西洲故園烽火急乘槎將北避聊與墓廬別建業飛書
來叔父加切責桓桓孫將軍曩者曾培植成爾海西行與爾初
不識爾行不拜辭爾歸不修謁爾謂學高蹈我謂爾負德且晚
其速來將軍將赴敵感此起旁皇膏車乘曉發薄暮入南都旌
旗已成列念我萬里歸駐馬容前席慷慨悲生民揚鞭三嘆息

吾將靖敵氛滅此以朝食敵退生民福敵至生民厄敵人忌才
慧尤忌古文物爾幼研古學橐筆將安適南都倘不守爾其歸
北闕吾當檄故宮爲爾闢畫室歷代古帝王更及古聖哲文獻
之所存命爾摹其跡却來真本毀臨本可傳述我爲正義戰我
爲正義屈維持舊禮教志可對天日再拜送將軍遙望塵飛越
倉皇渡渤海道路聞傳說粵騎入三吳江干堆白骨十室九爲
墟災黎載途泣憶昔蒙覆庇四民咸樂業比來苦苛賦已竭民
膏血梁溪長兄邸白下叔父宅並爲亂軍據臺榭成狼藉白頭
叔與兄有家歸不得生逢陽九年何以挽浩劫憂來惟黽勉受
命謹記憶載筆入故宮從頭理楮墨日出裹糧至日沒不敢息

從者二三人艱難無怨色
竭來寒暑易三晉兵戈接
聞道江南帥入魯駐檠
戟檠戟三入都雲泥常隔
闕將軍崇禮教弗亦堅
節氣等閒不求見銜德及
齒沒樛劣無所求矢願守
殘缺相期劫運迴搜經及
伏壁滄海湧狂瀾誰是中
流石父老望雲霓焚香禱
旦夕將軍致承平宏獎千
秋業

廉南湖先生評云叙述頓挫一氣流轉不假裝點詩中之
左馬也至其音節悲壯如聞荆卿之歌雍門之琴高漸離
之筑上下千年唯木蘭歌少陵北征詩可以抗行餘子何
足以語此

哭姜保母六首

生存無所慰夙夜多自咎哀哀赤子心所慕惟衰朽父母不待
養迺欲養保母保母復棄去銜悲及皓首

前年將遠遊還家別廬墓媪爲述吾父遺愛歷可數殷勤戒吾
曹鄭重道掌故先主捐薄俸禁書嚴購募購之付丙氏誠恐誤
童孺苜蓿減復減膏火助寒素至今溧水民懷德述令譽

媪復述吾母守志茹苦辛爲理裹藥紙教兒習畫勤命兒知節
儉沃水平紙紋兒勿亂塗鴉紙比縑素珍阿兄攝齏綱致身揚
藻芬析俸供庶母盡禮合輿情奈何逢亂世珠桂如米薪得米
願已足掃葉煑菽根隔院陳綺羅一室甘食貧今爾涉海外乘
風西海濱馳譽東西洲片紙重鷄林歸來入故宮追撫歷代君

媪聞予重摹歷代帝王聖哲像於武英殿病大愈曰吾死去世瞑目矣 紹述古衣冠萬世箸軼聞阿

兄紹先德甲第齊青雲爾從耆舊後志在廣藝文此業不常有
今古爾一人哀哉母不壽早歲歸邱墳老嫗死無憾孺子善繼
親孺子勿自驕黽勉謹書紳易理貴謙抑努力致德純

媪生古瀆里樹桑復灌圃課子事耕耘蠶桑奉姑饋頻年遘荒
旱入邑爲姊姥吾姊有七人季者媪所乳吾幼尤矜惜鷄卵日
爲貯恐我體孱孱祝我長英武我生四歲時媪歸省姑氏吾母
理篋笥得媪舊衣履念媪胡不歸西風將起矣吾乘母不知取
衣出門去多予涉郊外竟達媪蓬戶出門午飯餘至時日未暮
吾生未三週

吾華舊俗墮地卽爲一歲吾於十月生四歲之秋不及三週也

卅里獨行踽赤

子率天真愛媪忘險阻

憶昨別媪時牽衣淚如雨萬里異國歸還家不再舖吾衰饑復
病郊外喧鑿鼓重見將何時吾命已如縷媪顏如鷄皮媪髮白
如紵蘊淚割恩慈吞聲不敢語但道南都行遠歸拜叔父媪病
勿驚憂歸來安置汝

春寒居塞外夢裏聞汝語爲我覆毳裘問汝無疾苦醒來枕函
濕疑汝已化去飛書問阿姊知汝疾已愈憶昨別三吳倉皇竟
北渡馳驛暝烟中不敢望汝宇但聞旅客言已過梁溪許此際
腸欲斷此別成終古從此再見難音容隔黃土

題

袁潔珊先生
蘇利員夫人

呂村園圖

古殿寒深霜葉白武英門外夕陽昃讀史時來紫禁東繕寫鴻
文旁丈席先生據案賦游仙典籍縱橫擁萬篇浩氣沛乎充以
德兩京文獻執中堅千里明駝勞跋涉別玄搜奇載石笈纂史
餘閒出畫圖呂村舊事題重疊枳籬雞犬菜一畦中有賢婦把
耒犁先生著書無內顧辛勤佐讀賴中閨田園昔日燬兵燹卜
居村落自勤勉日中饁畝案齊眉日晚親驅雙鹿輦歷盡艱難
至藻蘋良人威鳳子祥麟六珈象服頻頒獻闈內依然自拾薪
昔憶登堂蒙引汲掌珠方賦桃夭什盈門賓從列綺羅阿母青
裙髻椎立肅然家範絕紛華塞外爭傳中壘家子婦工書同茂

我怨室吟草卷三

近體上

秋風鼙鼓詞

羅綺驕驄憶上春
凌雲意氣躡燕塵
中原銅雀今休問
終古長門鎖阿甄
帝城寒食笙歌苑
白下清秋烟雨樓
一樣微波恨綿邈
秦淮千古咽寒流
洛水縈迴別夢長
黃初麗製恨微茫
南朝秋暮傷心地
桃葉津前蔓草荒
題壁當年蛺蝶裙
誰將遺恨唱秋墳
新聲並奏邯鄲譜
璧月瑤

枝不再聞

荆湘一夕羽書傳慷慨當筵罷管絃此後鄴城歌舞地空餘喬

木鎖寒烟

戊卒遙呼樹漢旌荆岑楚渚氣縱橫貴臣棄甲將軍遁猶忌終

軍獨請纓

千秋易水長蕭瑟紅樹青山讖已成悵望月明千嶂裏江南何

處是歸程

燕臺頻下興戎勅斷續悲笳徹夜驚昨向天中望鶉火歸來傳

燭卜藏兵

勞師募幣誰堵厲舊室邱墟賦北征千仞堅兵萬重雪東皇何

記

水

一句一淚
悲絕一時絕調也

日靖烟氛

戰壘縱橫漢水濱
防秋重戍阻天津
河魚天雁音塵斷
悵絕長安倦旅人

暮秋珠玉易刀環
萬里孤雲獨徃還
潭水桃花無限意
笛聲吹夢過洛關

瑟瑟淒風蠟淚殘
載愁萬斛返長安
飢鷹嘯吻待行旅
青鑠門前電影寒

重來洛下問銅駝
北闕餘塵浣綺羅
一自天南事兵革
月明無復按陽阿

爲豹岑寫照題詩三絕

山川鬱律氣崔嵬一例都干彩筆來誰與東阿競詞賦上林散
值拓戈回

寒入罨窳獲霏幃游龍破壁駛雲飛漢陽已復中原定應向天
池獵一圍

暮雲散綺漳江垠劫後鴻飛剩雪痕濯濯神光乍離合一天霜
月寫平原

金陵雜咏

錦幄無時解鐵衣石頭城北夜烏啼金膝風雨知何日化作元
龍護匣飛
深歛吳鉤貯錦囊却從囊底露寒銚嘯台爭似衰楊樹匝地繁

霜樂未央

颯颯天風起白蘋無端散綺大江濱
銜箋青鳥何多事無奈陽阿乞譜人
渾忘零露點征衣賦到歸來興欲飛
寶馬不知人意緒載愁萬斛出南畿

自題慈烏反哺圖橫卷

振翼淒淒類塞鴻寒雲古木足西風
延秋門上頻呼警何似銜羞返故宮

尹姊之長安臨歧索句口占一絕

秋風兩度賦陽關恩怨無端欲數難
日暮梵王宮外望何人更

爲勸加餐

元武湖望北極閣

古壘縱橫罷坼埃幾聲梵鼓出城頭高原騁力知何日春草春
暉極目愁

元武湖

并序

春暮偕徐錦雲劉穎詵張清和張志賢林元鏊根婢泛舟
後湖中流遇繭師歸舟隔舷示詩三絕因於舟次和之入
寺已暝假寺僧楮筆錄呈繭師

一片烟波映古松松陰徐動落花風斜陽豐草年年在遺址難
尋六代宮

萬樹垂楊罨暮烟
停橈隄畔踏歌還
春城燈火同催夜
不見荒郊泣杜鵑

白門兩度逢春暮
岵岵同登恨萬重
却羨長林深島裏
島民猶休葛天風

前詩意猶未盡用天邊疊韻再成一律

陌頭薪字邯鄲步
蘋末風生薄暮天
荒寺徘徊思渺渺
野航歌吹語綿綿
鶯花綽約娛今日
風雨蕭疏記昔年
明日移家白門住
斑衣來舞大隄邊

詩成適得母書再疊前韻

馳來綠耳呈羅葛
爲報慈懷憶遠天
嚴戒嬉春馳綺轂
叮嚀應

序減吳棉飛揚未可期斯世謹飭還宜慰暮年罷絕乘槎浮海

志飄零祇許大江邊

五姊清芬欲携余留學日本母命不許

簡李堅

一例風塵可返隅不須縱目望寰區效顰便取淮陰法無奈宵

宵鳴湛盧

薰風習習透輕羅水驛山程取次過兩度南朝烽火後綠筠臺
榭近如何

甲寅三月隨長兄味雲南歸葬親重過白門

垂死人來意境非江山極目望依稀路旁一片靈和柳曾拂當年舞綵衣

如此餘生尙滯留
斷腸重過石城頭
鶯啼草長江南岸
化鶴還期續舊遊

癸丑哀辭

東風處處送鶻蕭
綠遍長安萬柳條
角枕曉尋紅淚迹
騎魚昨夜返南朝

重聞杜宇泣無家
手藝紅蘭萎不花
莫問綠楊門外路
櫻桃落盡夕陽斜

蕙帳宮薰盡黯然
紙灰如雪擁堦前
碧欄杆外依稀認
不見氤氳起藥烟

七旬老僕竟先驅
更有追隨白髮奴
舉室麻衣鷄犬殉
空餘曙

後一星孤

蒼頭劉益先吾母五日死老嫗陸嫂後吾母二十一日死吾母所畜雞犬無八飼養亦並餓死慘不可言

樓外棠梨尙滿枝重門深鎖網蛛絲墻邊一束橫陳草可有重

來枕藉時

惠麓雲深掩翠薇模糊淚眼望荆扉駸奴稚婢猶延佇慟哭攀轅不忍歸

千古艱難惟一死悔無地下早從親要離塚畔重申誓留取餘生唱斷藤

乙卯二月十九日紀事用繭師花朝韻

嬾向花叢取次留鈿車載病過樓頭極天塵土迷紅日踈地長楊絆鞦韆九盡自饒春意味巢荒空作菟裘謀簾深六度唐花

落薄縠驅寒不藉裘

雪後偶成

萬點瓊英襲綺幃清光疑共白雲飛
渾忘夜永繁霜重深喜寒
凝零露微瀚海冰堅添浩漫邊城月
曉望依稀山川輔我浩然
氣不使愁魂動歎唏

辟寒不藉五銖衣任是陰凝播玉璣
雲海彌增遲暮氣星辰已
較昨宵稀天心厭禍呈豐瑞士困窮
檐護夕暉誰唱黃鸝合圍
去渭城遙望轉霏霏

題曾老先生遺墨冊子

風木有同恨人天飲恨深寶此數行墨
昭垂不負心

紀事三章

憶昔阿房付劫灰明珠瓦礫有餘哀連城不寶荆岑璧破國誰

憐廊廟才帝子朱鈴流海外

見康南海歐洲十一國游記

昭儀姓氏沒塵埃

絳幃珍重親携出不是昭陽殿裏來

繭師貽予壽山石小印一方

海上晴烟漾碧空梵宮遙度晚來鐘夕陽芳樹惜惜碧宿雨樓

臺灑灑紅蹂躪落花嫌鈿轂分離弱水怨垂虹上陽燈火烟波

裏多少春愁盼斷鴻

日午道出金鰲玉竦橋望三海

惆悵靈根隱綺寮惠風旭日展紅綃晉書舊有金鵝例漢苑思

分玉茁茁讀禮屢驚時序易嬉春心共物華消圉人不減康成

婢采芍偏知溱洧謠

予欲以庭中芍藥贈人作求書潤筆圉人某蠢然不識字諫曰芍藥不吉贈人犯忌

諱不信查
詩經可也

贈藝伎照花

并序

大連嚶鳴詩社原田立川等公宴日本詩人久保天隨及
令弟於西園藝伎照花能舞紙扇圓轉如月輪餘伎十餘
人皆不能也弟好奇呼而與之語照花出小影爲贈並解
腰襪索詩倉卒爲書二十八字并記

鈿扇迴風擬舞輪相逢解佩豈無因他年重數鴻泥印記取西
園拔稷辰

乙卯七夕

銀浦無情碧水流
柘枝小隊按涼州
鈞天法曲誰傳播
彈雀明

珠惜誤投銅輦秋衾空選夢玉璫
槭札祇言愁垂虹橋畔尋紅
葉獨輾雕輪過御溝

蠟炬成灰恨未消天涯涕淚浥紅蕉
雨中落葉委黃土雲外哀
鴻唳碧霄宣武城南悲晚晚怡萱堂
北夢迢遙驅萍色笑何從

覓

家有小橋吾母慮萍多礙蓮命
張網網之親以長竿驅萍入網

腸斷朱欄白石橋

碧海生塵見吉光秦磚漢瓦辯微茫
苔侵瓦礫懷冰井牋擘澄
心記洛陽法雨天花參妙諦華鐙飛
蓋禮空王樓高不見秋河
曙秋雨瀟瀟識夜長

枝枝宮樹影交柯紫禁涼風透綺羅
復殿蕭森空粉黛梨園寂
寞罷笙歌君王阿閣餘宸翰楚女中
流放棹過惆悵蒼烟丹堊

外蓬山隱約微波

太液涼生翠蓋肥西風吹損舊紅衣
驪珠渺渺龍應泣禾黍離
離境已非繫纜不逢隋苑伎
凌波空憶魏宮妃蒹葭秋水無窮

恨化作精禽繞海飛

銅柱朱欄俛水隈吹簫有客意何哀
餘音激楚流雲表紗緒迴
環擬玉臺江左蒼涼庾信賦後宮
炫耀婉兒才樓船簫鼓斜陽
裏共道岐陽威鳳來

昔哭黃菱舫硯姊

十年心事絕塵埃痛惜明珠付却灰
千古傷心莫須有廣陵調
絕有餘哀

蘇東坡秋雨自寶禪寺夜歸

遠雲蒼樹掩層陰
秋水潺湲漲碧潯
珠箔昏燈魂怵惕
危樓曲巷氣寢淫
短書已爲青禽誤
病骨愁從疲馬駸
不盡低徊傷逆旅
疎桐修竹識遐心

蘇東坡瑤君來自鄂中篝燈夜話賦此贈之

道路棲遲識楚狂
遺文剩獻善評量
秋心寥落西窗靜
暮靄蒼黃北轍忙
靈沼錦鱗曾露角
天街細柳已成行
玉門關外風濤急
燕草依然戀夕陽

大浙海王邨買帖

尋碑古巷意恫恫
估客聲喧曉市中
三匝園橋疑漢俗
幾番叔

世覲澆風同車幸有綠衣侶擲果何來黃髮童僕僕車徒勞往

返雙鬢點染軟塵紅

路旁小兒以青柿一枚投余車窻

西代潤六侄女輓孫太孺人

誦到蓼莪倍惻然茫茫塵劫恨無邊傳經夙仰宣文博詠絮爭
誇謝女賢德並郝鍾垂懿範書宗顏柳見遺篇靈護不共喬松
壽欲代孤星一問天

庚戌繭師爲書心跡雙清小印於建業當時學刻僅成一
字乙卯歸自京師得之塵篋續成並題

夢回細雨潤簾櫳初試香泥小字紅玉版描痕摹古篆鸞刀鏤
恨擬神工魏人誰寶銅臺瓦詞客曾留雪後鴻綺閣低徊珍片

石薄寒不異鳳城東

五湖泛舟并序

乙卯十二月十有九日大雪十三哥邀錢子瑞陸曜星諸

君子挈余及寶鳳兩姬同遊五湖登虞姬石弔項王廟歸

途有作呈十三哥

敗荻蕭蕭拂畫旗輕舟鳴笛度晴漪寒塘遺構懷游俠落日荒
坡弔楚姬三徑瓊瑤留屐齒滿湖霜露澹衿襦陶朱陳事千秋
在西子長埋此水湄

白門感舊

江頭日落咽寒潮易代雲山弔六朝丹鳳城南新鬼哭鈞人居

畔馬啼驕紅樓別夜明燈晦玉樹歌殘木葉凋悵絕月闌霜靚
裏天風吹雪送征軺

和繭師元日均

落梅庭院斷垣遮畫棟塵棲黯不華送日祇憑新採藥經時未
輾軟紅車一池水縵春冰解萬壑風來霧幌斜遙想宣南芳事
盛六街細雨潤唐花

再疊元日均

北望雲山暮靄遮風風雨雨黯韶華殘寒靜數鷄窻漏斷夢重
停曲巷車莪怨題籤餘墨潤心香成蒂碧烟斜春回綠遍江南
草已負長安二月花

久不學詩五月十七夜偶綴一律寄呈繭師

絃歌無復奏南風又見丹書促遠驄
豐草何曾妨北轍烟波無奈繫孤篷
十旬江上相逢幾咫尺紅樓路萬重
曉望薊門舊時月清光盡掩曜靈中

丙辰九秋寒雲來泛五湖同登雲起樓用寒雲韻

疊嶂嵯峨小徑斜晚來重過舊山家
霜風搖落丹楓樹返照淒迷碧水涯
披拂蒿萊臨峻坂愴懷陳迹認丹厓
烟波雙楫須臾事長笛一聲別思賒

附寒雲原均

露柳烟溪路正斜片帆飛過野人家
一樽酌醉原能了雙楫

凌波未有涯畫伯蒼髯今道子詩人烏帽舊寒厓滿湖風雨
三山外賸有游思萬里賒
臘月十五日還山再疊前韵
霜落郊垌驛道斜笛聲吹夢過田家惜惜修竹生空谷渺渺孤
懷寄水涯昔日風流懷洛水而今鴻雪賸山崖鄴宮霜月何堪
憶靜數滄桑萬恨賒

潛廬感舊

并序

吾母所居中門曰綠門以短花墻界中庭爲二雜植芳林
花卉每於日暮時督苒灌之癸丑中秋月蝕吾母命以爆
竹於庭外燃之因取小刀剖一月餅啖苒曰此團圓之讖

汝勉食菲食一角棄其餘母殊弗悅然須臾即霽慈母之
心弗不能仰體自失恃後兩閱寒暑欲求分餅之賜尙可
得哉罔極之痛心傷骨摧恐日久而減孺慕之忱因並誌
之

碧油門外咽悲蛩涼露娟娟下刺桐爆竹宵燃疑護月菊英晨
煮憶防風惜惜佛龕沉檀歇寂寂長廊藥火紅腸斷并刀分餅
日人天萬劫恨難終

疊疊峯巒護草廬拂墻新綠雨餘初厨娘掃葉烹新蛤樵客敲
門供異蔬珍重朱櫻驅烏雀低垂碧網振淵魚紅蕉花發涼秋
曉喚取銅盤承露珠

爲金陶陶夫人題百花冊子

鑠窻旭日正春醒
入夢優曇遍錦城
鏤管傳神空色相
素練隨
意寫枯榮
枝疎葉密
覘奇致
露泣風柔
蘊麗情
冀北苦寒
芳事
盡畫圖
重許見
繁英

洛陽伽藍記書後

中原回首幾滄桑
白馬金人憶濫觴
彌患無靈空佞佛
闕墻有
隙孰尊王
赴哀盟主
沉驕后
跋扈胡奴
縊壽陽
莫向凌雲臺上
望浮圖
劫火兆危亡
河橋日落動悲笳
權去憂來死路賒
雙闕縱橫屯鐵騎
九遠肅
殺集啼鴉
空餘隧道藏冤魄
無復招提駐鳳車
帝子臨崩揮血

淚再生莫托帝王家
綺疏青瑣扇瑤光絕勝長門幽恨長剪就黃緇辭禁苑頒來象
馬頌椒房終宵鼓吹猶追福匝地烽烟起跳梁樂府新詞歌奪
媚紅顏畢竟厄紅羊
懷磚習俗鄙青州犴狴胡爲待竊鉤去國何須詔神器殊鄉容
易獵王侯巍峨四館矜文德躑躅華夷慕遠猷何幸此生逢郅
治屏居歸正總含羞

哭清芬五姊

雨嘯風嘯雁語哀還家重過舊樓台碧紗黯淡籠殘翰銀燭光
沉墮麝煤羽檄飛馳催棹去海濤嗚咽阻帆回明知脩短同朝

露極目平原萬緒灰

廿年長抱終天恨
荊樹先摧第五枝
匝地烟氛悲別夜
聯床風雨憶兒時
傳書冀北憐憔悴
問字花南繫夢思
此去豈知成永訣
當時只道暫相離

椿蔭熙熙記盛年
金閨初不鬥珠鈿
傭書每博親顏喜
買畫長捐月俸錢
讓棗推梨憐弱妹
聞雞弋雁踵前賢
千戈顛沛同吾母
藜藿怡如陋巷邊

白門穉柳曉藏鶯
記得征輶出鳳城
玄髮倚門親未老
青燈責課姊情殷
二陵風雨幾朝暮
四載滄桑屢變更
慟哭旅魂歸也未
津亭悔不聽鶡聲

藥爐日對忽驚秋將護黃門抱百憂病榻寄言報艱苦遠方求
藥費綢繆青詞猶作祈年疏噩夢先占墮齒愁白馬素車歸櫬
日哭君忍上晉陵舟

天涯到處擁縹緗絳帳安居樂未央貨殖幾曾慕陶猗簪纓絕
未羨金張分金每恤朋儕困荆布甘隨娣姒行撒手何堪棄嬌
女鵲鴿原上恨尤長

爲廷慧題蘭竹小屏

風雨瀟湘憶舊遊靈均謫去幾春秋羈臣孤憤湘靈怨并入霜
毫證暮愁

環珮聲遙隔九闈楚江空憶采蘭辰風枝露葉寒如許日暮徘徊

徊獨愴神

江干麗日映琅玕
帝子魂消淚尙斑
重向咸陽尋舊畹
何人更解藝衰蘭

蕭蕭竹籟起
淅淅曲逕雲深靜
不譁甯向窮檐護
佳麗不從嶺上侶
梅花

蕝水採蓮懷兆先姊

樹外朱欄護碧紗
携琴人已去天涯
輕舸重泛蕝溪水
夢醒蕉陰恨尙賒
小窗照得人對林
雙燕同歸來
露香盈袖東嶽青
曲曲迴溪瀉激湍
紅衣零落早蓮殘
茂林清夏涼如水
薄袂當風畏暮寒

白頭野老倚穹廬，獨種青蔬向日耰。
嘆息風雲瀕洞裏，木蘭艇子自行徐。

遵渚蘩蕪小逕開，野人催棹採蓮回。
擎來翠蓋香盈袖，更掬清泉洗紫苔。

蒲塘初罷採蓮歌，獨理歸橈擁碧荷。
湖外流雲凝雨意，遠山點點失烟螺。

郊垌欲暮起哀笳，柳陌無人試鈿車。
棖觸平生滄海意，劇憐南使滯歸槎。

已未春暮偕慧妹遊南翔古漪園

惠風竹籟起池陰，閑坐花叢聽晚禽。
滿徑落英襲紅袖，臨流鑑

影感苔岑

夏日偕慧妹登雲起樓眺遠

遠峯青處起長虹
雨後山花寂寞紅
一樹蟬聲知晝靜
淡羅衫
子怯松風

自題牡丹梨花六尺大立幅

寂寂梨雲鎖紫宸
國香舊浣洛陽塵
漢宮往事何堪憶
誰賦清
平擬太真

莪怨室吟草卷四

近體下

故宮詞并序

選存三十六首

甲子居京師感前朝宮殿日就淪圯執政則避債無臺勝
國則宗支凍餒更無餘力修葺廢苑予迺請於清太傅陳
公弢庵莊公士敦擬製一頤和園模型置之博物院以供
後來考古者之求予主測繪於園中宮庭畫永徘徊曲廊
芳榭之間因製故宮詞百首以寄慨云

燕喙皇孫漢祚移坤靈軼事動華夷分茅比日存殷祀遺老何
堪感黍離

李外史三山詩
昆明新漲碧粼粼湖上宮花映紫宸萬戶朱門金鎖合崇臺峻
殿委芳塵
輦路迢迢濕棗花綠槐接葉晚棲鴉啼飢阿監悲遷鼎指點宮
墻鎖翠華
飛泉隔樹響琤琮零落紅衣掩碧叢聞道萑蒲鄰廢苑枕函倚
劍看長虹
太液波深翠蓋稀濕雲如絮壓招提登臨不盡瘡痍痛十萬哀
鴻水際啼
圓鏡塵封寶氣銷啄殘朱網夜栖鴉銅龍丹鳳無顏色不見昭
儀侍早朝

衆香界

仁壽殿

雲梯十二隔輕烟
丈室飛香遍大千
紫陌揚塵勞悵望
軟紅有約已涼天
山泉繞砌雨初晴
獨上層巒露氣清
行遍朱欄捫海月
赤城霞映殿西甍

銅仙辭漢餘鉛淚
寶鏡長懸碧海頭
宇內何多亡國史
誰云造化失陽秋

化失陽秋

殿中巨鏡并天文臺儀器庚子爲德人舶去今儀器已還

鑄天寒燕銅殿

繡漪橋外平蕪綠

橋在陸地平蕪一碧

擊楫凌波過御堤
鳳去丹山雲渚

冷荒墩草長野鷗栖

鳳凰墩

上宮西幸溯艱辛
驕敵縱橫據帝闈
法象閣維鐘鼓歇
香巖劫

後墮荒榛

香巖宗印之閣

水木清華衛綺寮承恩顏色寫生綃誰能壽並青芝岫華屋山

邱總寂寥謝如辛樂壽堂內有西后少時畫像
庭中有石曰青芝岫

落葉盈堦落月黃馬嘶人語度宮墻軍中待遣防秋戍刁斗遙

傳夜未央平燕琳諧趣園地接十三
師司令部

斷橋流水臨鸞掖隱約漁村景最幽遙識天家耕織處荻花如

雪繫輕舟晉滄西中隄云盡

長橋天矯接瀛洲玉藕香殘水國秋如有潛龍波底臥涵虛紫

殿瞰清流兩龍王廟龍王廟

星斗依稀度短垣雨餘水殿冷黃昏開軒領畧蕭條意古柏森

森月一痕翻涵遠堂珠

巍峨高閣秉銓衡椒壁琳琅雅頌清文運已隨王氣盡詞臣空

自賦承平

即漢書載人夢見謂承平也文昌閣

畫舫笙歌記昔年內家清宴夜傳宣盛儀警蹕何從考月照興

亡水接天

蘇軾對臺金碧出清宴舫

取海宴河清意 茲借用夜宴

金支翠羽奏簫韶侍宴王侯賜紫貂此是母儀頤樂殿幾人菜

色話前朝

馮玉空對晉魏冠西風照燭水殿南德和園

水中鏡影鏡中人珍重空花幻夢新眼底阿房千萬落誰翻樂

府和陽春

開成歲正宇將畫圖引帶鏡

余之工程處余 每日作畫室中

自是昭陽第一人錦茵珠鳥隔層闈海天重譯從頭署秘殿珍

聞記寫真

昔對翠茵苔履兼水藻蓋前日非翁油畫像

山餘

六龍遠狩昔停驂
菡萏銀塘水蔚藍
池館已非餘韻在
湖山綺

穆似江南景一人論商紂爲國亂而天重罰於蘇州河

迎鑾偶見開魚鑰
玉宇排雲闔低帝
子暮隨雙槳去露
華涼

浸赭琉璃中入急重空排雲殿宣統帝每乘小艇來游

洛下銅駝迹已空
憶君鉛淚瀉西風
願教永鎮南湖水
不逐金

人入魏宮吳徽諸君宴王外顯紫微此景南湖銅牛人菜

鳥道盤空通絕巘
樓臺金碧出巖隅
朝朝暮暮流雲罨
峭倩林

光入畫圖昔年丙寒街宴畫中游興

蟹渚燈昏咽暮濤
雄獅入夢馬啼驕
角聲吹徹天街月
風颭紅

旗拂畫橋金甌琳瑯宮門御河橋空

曲榭淒風射目酸紅冰淚漬怯宵寒監宮夜怨悲同調瘞旅文

成不忍看

長

廊

有擊柝者死會當馮玉祥驅清帝守園長官不至陳屍三日不殮可慘也

荻花如雪楓如錦水淡山崖別樣妍青鷁牙橋歌舞地積薪百

戶起炊烟

船

萬松拱護麗譙樓俯矚烟氛遍九州雲際觀生憐泡影綠章無

復署閑愁

雲松巢

鳥語閒關太寂聊譎雲詭月霸圖銷夕陽散綺烟波裏演漾朱

樓夢六朝

夕佳樓

樓北小閣德宗鎮日默坐其中

飛甍斷井逕源荒咽鳴流泉向野塘昨夜一燈烟嶼外閑尋紫

蟹度重陽

水

絕島無人曲徑幽一池蘊藻自沉浮儵魚那識濠梁樂執熱偏

從釜底游登新景即御前泉向裡觀和亦一登那蘊藻軒

槿花零落掩虛堂待漏無人秋夜長階下蛩鳴疑劍佩小窻容

我夢羲皇太冥神謂雲龍民圖龍之圖精誠則南朝房瑞米

北望高巖接紫霄水仙祠外水迢迢垂楊芳草依稀綠春到西

隄第幾橋盈蕭對粉園賦意賦此州雲潤潤土得知春橋草無

霜壓層城雪滿枝月明流艷入采窓征輶已逐風雲遠鸚鵡猶

歌故國詞聽聽館有鸚鵡能言非至輒呼楊小姐來打電話非

鄰鄰之句非思之甚聽鸚鵡館切亟驅車往視之

曲曲哭林畏廬師孫水死青封青寒瀟宮文懸悲同歸發效文

至性文章動日月高山景行溯韶年百回空立程門雪騰有心
喪向墓田

弗謁師每不得見今春呈詩有春風
不許吹桃李踏雪空教立百回之句

泰山稊米供游戲我怨吟箋索校讐重檢殘縑感知遇吉光片
語更難求

弗製頤和園模型師書敗簡語弗云汝真稊米邱山極
紅塵之遊戲有時請課題師曰汝趨以舊作我怨吟草
來校讐畢
再課新題

應悔移家上苑西重來壇坫隔雲泥霜風落葉秋山道絕壁何
從覓舊題

去年秋師筆語令弗云余游西山秘魔崖山僧告予曰有
女學生束髮長袍以鉛筆錄余題壁舊句余知爲汝也

守陵野老啼飢色頭白監宮泣黍離一樣淒涼悲勝國詩成請

益失吾師

師九謁崇陵記云祭品日薄守者有飢色
有幾人菜色話前朝句師見之曰女子亦知勝國悲耶不
愧予之弟子乃出崇陵記事示令弟曰此則可謂師與弟
子不侔而合聲氣之求精神所在有如此者弟不諳閩音
以筆示之

古今上下幾人同萬卷遺篇一代宗誰更鐵肩担道義哭師正

為哭文風

畫菊石補蛙并題

噴癡慣作不平吟涉世渾忘古井心石自無言花自壽忘機端

合誦梵音

前赤壁

秋江一棹擊空明之子相期入化城
誰向中流歌窈窕洞簫哀怨不堪聞

後赤壁

西風一鶴唳長天敗荻蕭蕭起晚煙
記取臨臯殘月裏扁舟幻景夢游仙

接七姊書知南中焚掠之慘賦呈四哥

諸天有九諸淵九知在淵天第幾層青史何多陽九厄勘餘造化悔蘄生

自頤和園遷歸靈境宮攝影紀念并題

屈平依楚澤重耳入秦時芳草天涯恨君親未易知

題自畫雛鷄

一穗嘉禾足療飢塹篋相和不相離君王應羨雞雛樂七步吟
成泣荳箕

重圓圖

星河無際夜如年聚族偷離物利天留證三生一片石熙熙椿
蔭護重圓

漁婦圖

漁翁已旁帝星去漁婦灘頭趕鴨還廣廈朱門歌舞地夢魂爭
似釣舟閑

掃地僧扇面

擁篲日初晴
閑閑出化城
蒼生矯首望
待爾掃烟氛

農女力田圖

壯夫已應河陽役
幼女隴頭代力田
郭外幾家餘斷井
白頭野老泣荒烟

大連浩然嚶鳴兩詩社同人讌弗於海濱之登瀛閣修稷

事也即席分韻日本詩人田岡淮海詩先成賦此報之

風雨窈冥際來登塞外樓
朋簪聯海國文藻照瀛洲
問禮求殊俗采風慕遠猷
珠璣生四座秘笈不勝收

板橋先生索詩倉卒報之

慢將漆室憂勞意化作鴻泥印海濱誰挽狂瀾存絕學采風端

合問東鄰

蘇州將與世四韻詩又不韻也

和長兄味雲鉢社課詩八首并為補圖

其一 我聞室

選存其七 田岡並稱精於知地群之

結束鉛華證慧禪黃絕羽服傲飛仙年年紅豆生南國怕見丹
書下九天

其二 溫都監女窺東坡

田淳衣慈案謝湖共白地裡

風懷撩亂付新詞水榭雲廊月上時窺客無心小兒女髻公何
事太情癡

其三 女道士卞玉京小像

回首南朝劇可憐
秋山蕭寺隔烽烟
鴛鴦北向飛鳴急
綠綺何心理舊弦

其四 楊妃病齒圖

紅牙無力按霓裳
掩頰顰眉罷晚粧
賈使西來妃子疾
瓠犀怕惹荔支香

其五 蓮花博士

水雲深處趁新涼
颯颯天風引夢長
一角湖山勞管領
揭來贏得酒千觴

其六 秋齋清夜

湛湛清露滴枯荷
眉月流輝映淥波
深掩朱牖人定後
疎簾捲

處接秋河

其七 李清照畫琵琶亭長卷

縱橫胡馬滿神州風雨諸城感昔遊
悵絕籬門芳事歇生綃重
寫四弦秋

畫紅梅并題

水池照徹影橫斜擊碎珊瑚寫此花
驛路幾曾逢驛使江南回
首我無家

本田橋木

二君以在大連時歡迎攝影却寄賦此報之

東征心折此淹留贏得天涯聲氣求
偃武修文羨鄰國荒荒世
亂幾時休

癸亥冬遇張耆老年丈於滬上命題山水卽席賦呈

孤峯高與碧霄齊多少星辰入望低何必驂鸞天外去雲深風
定已忘機

附張耆老原題

樹外青山山外雲雲溶水靚若詩人除非飛下驂鸞侶誰
涵蒼茫獨立身

重題宋王晉卿蜀道寒雪圖并序

曩客洄上爲寒雲題蜀道寒雲圖五古一首忽忽十二年
此卷已易主矣重見之於滬上不勝今昔之感因題一絕

夢斷漳江十二年梁園花月阻塵烟畫中雲樹今誰主重認鴻

泥一惘然

觀師命重摹楊文襄遺像送焦山定慧寺

玉帶留山證悟禪名流韵事後先傳臣心清比中冷水率意遊

乎象外天百鹿還山同漢鼎

公留玉帶鎮山門如東坡故事帶雕百鹿琢工絕細洪楊之亂失去

好事者鍊金購還又寺中漢鼎亦失去重還

千秋高蹈接焦仙河山萬里圖遺像翰

墨從來有定緣

畫桃潭浴鵲圖并題

天桃滿樹弱水三千支磯石畔有橋待填星月皎潔晚霞在天

聞聲而喜聲在水邊

白石老人贈予畫蝦爲題一絕

上命照山水鳴鶴圖呈

海底螿龍翻淨水都因此輩作先驅
陵夷禹德蒼生泣劫後猶聞
頁夜珠

自畫芙蓉紫微

風爲佩兮水爲裳
記折芙蓉涉遠江
夜夜紫垣騰劍氣
一枝木末傲清霜

自題畫橘

夢遶江南錦樹叢
關山烽火泣哀鴻
迷陽不記桃谿路
博奕冲懷羨橘中

畫羣馬并題

玉關豐草綠茸茸
羈馱無施任去從
良劣不分冀北野
可知伯

樂最難逢

為長兄作貫華閣圖并題

名山重闢接清虛

惠山忍草庵貫華閣傾圮已逾百年長兄謀規復名跡藏書其中

秘閣應藏

十萬書願向丹鑪冶

長兄將刊雲在山房叢書命搜集闡

閣詩文

附體仁老人和章

鷄林名重洵無虛兄闢名山妹校書誰執中堅尊夏學閨

中佳器識璉瑚

和施聆秋女士原韻即酬富青蓮女士 并序

施聆秋女士繼蒞至大連展覽書畫浩然嚶鳴兩社公宴

之女士卽席成詩一時和者甚衆日本詩人田岡淮海以
原作見寄因亦和之弗與施女士前後同列林畏廬師門
弗投贄時女士已出閣初未一見而結翰墨緣於遼海非
偶然也

海濱尊夏尙修文家國年來亂象紛水遠山長空伐木燕塵咫尺不逢君

附施女士詩

深閨弱質愧無文况值年來俗緒紛偶借丹青抒興趣翻
教嘯拂累諸君

落葉辭

施聆秋陸璧如富青蓮姚鳴珂四女士近皆有詩與弟唱
酬惜皆不得一見詩題落葉求友聲也

深鎖重門百不知素心人遠邈難期殷勤寫遍閑堦葉付與天
風寄遠思

只下 葇師命題松溪高隱圖

虬枝矯天水清冷中有柴門旁杜蘅隔斷紅塵飛不到萬山深
處聽濤聲

爲曾孟班夫人繪汾溪偕隱圖并題
汾溪如鏡映茅檐刻羽移宮樂大年文物千秋靈氣在此中眷
屬擬神仙

塞外相逢豈偶然，後先桃李溯薪傳。玉臺記取鴻光字，留結他

年翰墨緣。

春夜遊濱江極樂寺見南通師手寫廟額歸而感賦

題額琳宮扶海師，琅峯想見寫殘碑。山樓去年寄詩有句西洲

曾補西歸像。之行迺師畫遺像未成而有美洲絕塞淪亡絕筆

詩。圖萬不獲已皆流之塞外不復返矣選佛獨增今古痛感懷

最是遠歸時，濱江弔遍華夷塚。慕是日用馬淑婉女士襟上啼痕

染幾絲。

濱江泛舟賦謝春如學長用前韵

重泉共憶畏廬師，天北天南問墓碑。桃李關山推愛屋，蒼崖題

壁論遺詩采風隔渚春寒峭擊楫中流月上時重譯幾家通款

沿小橋曲曲雨絲絲

藥自美洲歸國取道哈爾濱

風雪關山萬恨賒還巢舊燕泣無家重來塞外嫌衣薄斷夢難
尋海上槎

會爾哈爾濱爲袁春如學長畫落魄王孫圖并題
誰見嬴秦傳萬世盛衰之理總如斯繡襦隆準渾非昔幸免刀
鋸作乞兒

丁卯端午重游頤和園引鏡水榭

鏡邊一水漾晴緋曲榭猶餘舊燕泥海外歸來空悵惘驪山宮

殿昔人稀

楊橐吾世伯得白桃花遍徵名人題詠自大連馳書哈爾

古中濱索畫并題一絕

擣成玉屑寫桃花千里濱江月正華絕塞苦寒衰草白遙分春

色到龍沙

魯南學長自古寺中得林畏廬師蘆花釣艇遺墨屬題限

於三分鐘得句用林師原韵

無復坵壇問字時畫中殘墨認蘆漪西谿烟水年年在僧舍誰

尋絕筆詩

附林師原韵序云杭州一別心戀西谿冬日京寓無俚作

此遣興

記得西谿攬勝時，擄聲軋軋入蘆漪。不知渦水南僧壁，曾

否留吾數首詩。

太平洋舟中為日人書扇

海天萬里間，何處望鄉國。異域聚萍踪，留書識鴻雪。

北美費城紀游

縱目寒郊外，丹楓夾水濱。尋碑隨野叟，稽籍過山鄰。異域朋情

古中宵歌舞新。

是日晨赴郊外觀劇

博物院夜歸觀劇馳驅且復暮十度逐車塵

傑克森舟中

海水蒼茫接遠天，樓船日午儘孤眠。華燈照夢蓬艙靜，夢繞

宮引鏡邊

白頭師保龍鍾舅赤子情懷未了緣生怕靈思等閒墮西風海
上欲逃禪

學縮雙鬢髮被肩乞來西域舊花鈿倚舷苦憶家山道秋晚無
人問墓田

西經屢易晨昏歷初試孤征鎮日眠碧海銀瀾明月夜華鬢聯
臂舞層巔

九月九日太平洋中

良夜酣歌舞危橋獨客愁海天今夜月何似故宮秋

飛來峯

辛亥吾母將挈菲遊西子湖會隨
兄北上母乃獨往至今思之痛絕

奇峯障面碧溪迴古佛參差長綠苔
植杖冷泉亭畔望傷心無
復板輿來

袁潔珊丈自斜街古肆中得前清宮眷遺像製哀淪落見
示令弟亦得其一魯南學長乞去黑河爲題五絕

鈿車馳遍禁城中携得丹青返故宮
爲問武英班白吏鏡邊可

識舊昭容

時予方在武英殿
摹歷代帝王像

昭陽散植閑行樂曾覓良工寫畫圖
幾閱滄桑餘敗簡沁園邸
舍屬誰居

袞衣珠襖內家粧慈聖繁華事渺茫
天上人間稽代祀應從護
領辯同光

勝國金張劇可哀
玉容寂寞委塵埃
陪都元老憐淪落
載付明駝避劫灰

椒房昔昔傳神日
豈料今歸黑水濱
一樣携之付嬌女
風塵不少有有心人

畫老馬并題

罷戰歸來認舊蹊
昔年官柳拂長隄
逸材只合荒原老
不向天涯殉鼓鼙

重過三海

南國孤飛雁
悽悽過玉虹
蓬門舊櫻樹
憔悴上陽中

美人蕉螳螂

美人蕉螳螂
詠燕歸
王謝西歸
六鷁歸于
巢具登輿車

碧甃銀床暑氣微紅蕉浥露玉塔西振衣趨趨千城具豈與車
輪決俗圍

雙兔

是日適聞日
本地震之耗

撲朔迷離兩不知花間形影互相依那知空搗長生藥碧海青
天有已時

芍藥

婪尾春深倩影低靈禽啼月蜀岡西駐顏賴有生花筆不使瓊
枝委紫泥

山水

虹消雨霽晝冥冥曲澗潺潺隔樹鳴極目空山諸色淨白雲零

亂遠峯清

荻花雙楫

蓮葉田田映碧空
荻花瑟瑟動西風
吳娃別有烟波樂
擊楫中流掩淺叢

雁來紅

數行新雁唳長空
點綴湖山錦一叢
繁麗祇從霜裡現
不將色相媚春風

畫柿

西風肅殺藏兵氣
吹徹商聲度麗譙
銷盡春華見秋實
霜林新柿滿亭臯

月季

改沈右
田句

不知天地闊無懷歲月長
丹成駐顏色身世兩相忘

葵花

幾叢密葉和烟碧
一片檀心向夕曛
想見玉妃初入道
輕黃點染鬱金裙

畫佛手

時奉直二
次構兵

充爾慈悲意空中展巨擎
無如遘陽九何以援蒼生

畫鷹

曾效鵬飛九萬重
罡風折翼止山垓
而今不復殘同類
俯首低眉就範來

萱蝶

十月初九日先慈忌辰以瓣香蔬果祀於萬壽山下南望
慟哭日午假寐醒而誤傷一指即以指血畫萱并題一絕

忍檢當年舞綵衣夢中情事記依稀愁魂欲化南園蝶常旁靈

萱栩栩飛

題自畫採芝女子

甲子十月遊玉泉山嘗天下第一
泉歸而作此時畿外烽烟方熾也

服食求神仙

用古詩
成語

採芝入幽壑水深火熱中獨得羲皇樂

自題醉鐘馗

霜風瑟瑟水淅淅夜半離宮夢醒時鳳輦不來山鬼泣篝燈閑

寫醉鐘馗

山中進士渾無事嫁妹移家意自閑一臥終南忘歲月不知羣

鬼遜人間

臨仇十洲楊妃承恩圖并題二絕

日暮華清賜浴來縑衣乍卸鳳輿迴當時若守空王老那得香
魂瘞馬嵬

臉霞淺映藕絲裳醞緣擎來水殿涼一醉儘堪忘得失慢將誓
約媚君王

同慎予姊至先哲祠看殘海棠復過法源寺看丁香

招提重訪古時春悵絕梁園被禊辰暫避紅塵三萬丈空花影
裡證前身

醴蘼春盡荒祠暮綠罨芳郊舞柳棉別有孤懷君共我清遊偏

喜落花天

題紫色外國水仙

紫茸初試五銖衣
重譯移來弱水西
萬里家山蓬海約
碧雲無際望中迷

又題白色外國水仙

遐邇從來應一體
凌波那識海東西
相逢不解黃初賦
也自低徊旁洛妃

題湛如道人造像

長空雲淨飛泉白
一片空明淡欲無
忘却衆生人我相
如如不動卽真如

題自畫鬪鶴鶻

石火駒光最易消胡爲盛怒氣囂囂草間一擊誠何濟留得餘
生翼已凋

題單鴛圖

儵魚出沒其樂只且吁嗟文鳥不樂孤飛
眄彼清流不自濯兮吁嗟鳥兮不自拔兮

題酒獻屠蘇圖并序

丙寅元旦過東瀛羈客橋川夫人夫人以屠蘇酒薦余云
此風本出中華唐後失傳日本相沿至今不替歸而畫之
并題絕句畫中捧青樽進酒之女絕似夫人偶然巧合有

如此者

漢家典籍分明記萬戶春聲過歲除千載風流遺海外青樽重
見古屠蘇

題椒花獻頌圖

披香殿外傳春訊尺幅椒花雅頌清點綴貞元新氣象天街爆
竹示承平

晉史劉臻妻陳氏元日進椒花頌云美哉靈葩爰采爰獻
聖容映之永壽千萬

葦索桃符繫殿除泥金帖試瘦金書昭儀捧入才人頌應律條
風拂面初

和日本牛島博士韻 即席第三首與石翁聯句

瀛洲才藻久馳名文彩高華溢帝城
滄海橫流堅白異隔鄰猶

有誦詩聲

藝林繼絕誼相關攻錯聯歡樽
俎間記得高齋談絕學清風穆

穆水潺湲

驚筵才辯識詞雄 令 倒峽奔流四座空 令 庚子以來文字賤 白石

老人 專經幸見古儒風 令 吾國宿儒專授孟子 猶延

吳古題靈芝怪石小軸

商山服食費相思十載求仙夢
采芝獨立蒼茫一片石不知天

闕已多時

臨金北樓師董小宛臥病圖并題

小鼎長泉罨藥烟
水嬉無復暮春天
興亡佳麗須臾事
翰墨因緣不計年

劫餘影事涉宮闈
憶語空存論轉非
射雉城邊嗚咽水
豈真同渡不同歸

慧業千秋半浪誇
藝林籍籍著聲華
蘭生灌莽知多少
珍重何如墮溷花

七夕納涼更闌不寐

柴門徒倚望烟樹
集昏鴉老屋縈藤蔓
荒畦繞槿花行雲翳
落月淺水漾流霞
銀浦頻催曙雙星
別恨除

題自繪山茶綠萼梅花壽七姊

東籬采得延齡菊，歷盡冰霜傍嶺梅。
添與山茶作清供，惠風晴日恰春回。

丙寅三月十四日出西直門放賑暮歸赴觀象臺下赴日

人公宴即席繪扇十頁賦此紀之

西望平原接翠微，騁懷載粟出郊畿。
一桁鐵牡扃丹闕，萬點黃塵澆袷衣。
漠漠遼營胡馬嘯，荒荒村郭野人饑。
歸來收拾哀鴻淚，灑作樽前墨雨飛。

夏正九日與卓如夫人同飯於慎予之勺園卓如夫人卽

席成七律一首慎予與弗和其韻

寄興雕蟲遣歲月學書學劍懶精研河東移粟成虛惠海客修
仁愧比肩愛註魯魚緣結習明知覆瓿守殘篇青燈昔菴懷先
德夜月同尋剪韭筵

題紅梅布政圖并序

樊山丈在金陵時製紅梅詩四律海內和者之衆如漁洋
山貧秋柳乙丑同旅京師予製蓮花博士圖丈爲題七古一首
空林索余繪紅梅布政圖爲報圖成并繫以詩
鶯啼草長夢垂髻仙吏風流憶六朝十五年來陵谷易紅梅麗
句播江臯

富青蓮女士屢於順天報端贈莛以詩而不知地址不得

良晤復為三絕報之

西城春信又經時萬戶千門未易知紫電青霜新典籍十三樓

外盡楊枝

空付洪喬十色箋白鱗朱雁阻雲烟鸞閨多少神明契第一蓬

山負謫仙

朱欄密密寫烏絲欲付災梨故故遲昨夜玉臺翻姓氏鳳城何

處網珊枝

和慎予原韻

為緩憂心盡一觥孤城幸隔鼓鼙聲忘機不識月盈缺

慎予謂
菲爾十

三明月我則
已過二十矣

遁世何知世濁清千里家山聊共慰萬方多難足

心驚生當滄海橫流日一粟何能濟衆生

附諫慎予原韻

寒夜高樓共一觥嚴城臘鼓聽聲聲酒因好句難辭醉月
爲吟懷倍覺清湖海情豪君獨樂關山夢斷我先驚羨他
潑墨瀟湘管畫出慈航渡衆生

郊遊并序

丙寅春暮出西直門放賑并游萬牲園同游者爲橋川梁
孟二姪夫婦途遇日人西田以橋川爲介見余自云曾在
觀象臺下見余畫扇請攝影許之遂與橋川夫婦二姪夫
婦合攝一影歸得慎予詩因用其韻

綠暗重闌燕草萋
惠風捲絮入迴溪
猗猗黔首城頭揭
睨睨嬌禽樹杪啼
偶聚萍蹤留幻景
耻令海客見哀黎
却灰未盡春將暮
極目黃塵障晚霓

病起游公園復過端門視難民用南湖先生翊教寺海棠

韵簡春野夫人

藥火宵溫夢俊游
綠陰剩有紫茸稠
招提芳事年年誤
黃絹詩

成祇寫愁先生已八疊原韻

掖垣微雨淨林光
纓絡垂雲殿衆芳
三十六宮嬪御盡
鳩形人

繼內家粧神武門外羣房有村婦多人臨風梳掠自云已十餘日不櫛矣

再酬青蓮女士

玉藕香中望渺茫
伊人家在水雲鄉
但聞環佩琤琤響
不見銀塘水一方

枉緣書札問仙居
盼斷文鱗總杳如
八駿將行千里外
歸鴻何處致緘書

淥波雙槳駐扁舟
欲折蓮花證暮愁
誰數汀洲綠楊樹
有人悵絕十三樓

綵絲宛宛繫飛鴻
風激箏絃暮靄中
縱爾扶搖入雲去
瀛洲爲我覓仙踪

題自畫夾竹桃

應悔無端出蕊宮
仙源何處寄飄蓬
誰知灼灼桃天色
綽具猗

猗君子風

題自畫山茶

蒼蒼老樹綴丹砂
蠟炬春燒奪曉霞
二月漢宮傳羯鼓
一枝催出冠羣葩

十香椽

偶署羣芳譜
嬌黃染雨翰
誰移大秦種
持炫晉人盤
注酒味尤烈
勻檀蠟未乾
巾箱珍重覆
五合異香搏

丙寅四月三過瀋陽袁潔珊先生爲此邦宿彥錫以佳章

敬步原韻

雕蟲方悔逐無涯
敢向天涯問法家
試歷風塵皆蜀道
何如投

筆證空花

碩德高年敢望塵
德星入坐冠羣倫
邊庭文獻如容考
喜得津梁逮後人

干戈滿宇學銷沉
偃武何人止範金
敗壁他年求古藝
廣陵未易續殘音

荒荒時難感沉浮
涇渭難分清濁流
尺璧寸珠人按劍
和光混世且潛修

重過大連田岡淮海賦詩贈別送我舟次用原韻謝之

塞月遼雲物候鮮
輕裝又上故鄉船
湖山舊夢重頭理
無復萊衣舞綵年

彌望烟氛罨舊都故人相見強歡愉
鬢齡已被浮名誤橐筆依然一故吾

蒙古溫特爾王大格格文秀自瀋陽站送余至南滿站叮

嚀珍重而別遼海舟中卻寄

相逢客裏應嫌晚辜負京華十七年

格格屢言余生京師十七年何不早識楊令弗

首海雲何處是笛聲吹夢過遼天

通州步張耆老年丈原韵

翁於四年前聘余為書記辭不就

毋我負人志平生獨負翁山高懷仰止時難識途窮蒿日生齊
死忘機隕亦充孤高比日月何若與人同

遼陽賦呈 姜文程老先生

征輶幾度阻遼陽
几杖欣承古意長
珍重緘書報父老
此來得拜魯靈光

丙寅五月過南通修謁張齋老年丈賦呈

靈臺經始幾經年
鶴鹿咸登大雅篇
一水迢遙過周沼
葛藟牧

豕任迴旋

南通有五公園

雲際觀生不計秋
楊枝難洗古今愁
吳儂綵線王孫筆
地老天

荒共一樓

趙畫沈繡之樓中懸松雪墨迹觀音余沈壽手繡大士像

遙天鶴唳淡塵襟
曲垞危樓次第尋
雪後梅花千五百
薰風吹

綠已成陰

梅垞中供梅蘭芳像我馬樓在馬鞍山之巔

淺土埋香曾幾時
哀蟬賦罷有餘悲
西村東奧魂歸候
烟月空

山知未知

余沈壽女士墓

天北天南風土異拈花有佛笑癡頑經書爾雅分明在紫蟹虻

蟻豈一般

西山村廬多蟻蟻余誤認爲小蟹嗇老以余不讀爾雅笑之

北江賓館臨江渚暮靄朝暉氣萬千盡日憑欄看不盡汀洲來

去釣魚船

通州旅次懷謝林風

謝娘去後落花稠遠寺梵音曲徑幽最是難忘風雨夜海濱剪

燭話陽秋

賦呈范姚夫人

蘊素

天地浩然氣霈乎德以充江淮沾化雨薄海仰高風蒿目憐時

難危言識道同神明千里契遙隔亦相通

暑日遣懷

鍛羽羈遲滬水濱
蟄居厭見綺羅新
南風江上舟無數
不許輕帆載北人

抗塵裂盡芰荷衣
欲遣閑愁道力微
江上青山湖上渚
畫樓幾處待人歸
海上涼生月上時
遙知江介共清輝
西京烽火空傳警
天阻山樓看寫碑

萬流亭放棹和齋師原韻

畫橈門韻句清新

同席范北強羅鴻璇二女士并有詩

拱日羣星並擅名
無我無

人聞妙諦齋老述及與天寧寺方丈式歌式舞樂承平涉江多

識紅閨彥羈旅遙憐白髮兄惆悵空隨桃李末萍蹤難駐負平

生

再疊前韻

扣舷領畧午風清棖觸樽前不自名遜世幾曾容范蠡置身何

處問陳平將歸愁負南洲老欲住難違北闕兄極目夕陽烟水

裏去來無那感浮生

齋師壽辰再步前韻

濠陽不減濟河清李商隱詩濟河蒼舊東南數盛名四海同驚

翁矍鑠萬方多難此承平曾從宦績知吾祖歷舉鱗綱試阿兄

感遇人來千里外爲公圖像頌長生

畫馬并題贈孫馨遠將軍

良驥伏櫪中悵結人莫知九方不能測祕此英武姿鬱鬱神完
足茫茫攄遠思盤紆出驥北甞勉慎所之蹠足萬里間毋失龍
驤時

白雲題鍾慈盦先生湖樓補讀圖

西飛歸鳥倦風塵偶趁天風戲水濱秘笈珠璣收幾許龍頭畢
竟屬鍾陳

畫省風流憶舊游關山鞍馬幾經秋卅年蘆榜殷勤叙爲道諸
兄盡白頭

湖樓墨迹出吾師爲寫高人故國思書卷百城人萬里山中猿
鶴盼歸期

畫湘君并題

天風瑟瑟荻花秋離合神光逐水流帝子不來弓矢杳月痕一

白澤南洲

畫荻花仕女

荻花深處水迢迢羌笛淒其咽暮潮夜半不知霜露重孤蓬弔
月夢南朝

畫達摩渡江圖并題

側身天地等浮鷗靜闡禪宗不計秋一葦橫江成獨渡蟲沙莽

莽熟回頭

畫東臯舒嘯圖并題

閑持秋水篇來訪痾僕丈萬壑鳴松濤迴溪激清響

畫雙壽圖并題

時日本大地震余以靈龜不畏地震故畫之

負月懷南漢披圖出淥波泥塗誇老壽不問劫如何

題竹石草蟲巨幅

附寶瑞臣先生跋

歲丁卯孟冬日本渡邊畫師來華馨航先生招至所居華鑑閣飲酒讀畫并集三五書畫家追陪清宴意甚適也酒後出紙請同人能畫者合作一幅用志墨緣於是渡邊晨畝先畫螳螂一溥西園作墨竹數竿顏韵伯綴以秋藤苔

草女士楊令弟皴點坡石渲染菊叢而於其上圖黃蝶一則楊瑟君也同人猶以爲空幅較多也復請令弟更加一藍蝶渡邊更加一墨蝶焉一時與到之作雖王忘菴華秋岳之筆無以加茲畫已屬長白寶熙泚筆記之

數竿墨竹幾曲秋蘿菊老苔荒蝶舞婆婆有蟲有蟲在石之阿
海客詞人鴻印不磨

長兄命重摹成容若天香滿院圖

附忍草庵圖記

忍草庵在惠山寺之東黃公礪之上屏巖枕壑境極幽邃
庵有八景曰中天積翠九峯晴雪五游烟雨響月松濤夏
寶雲鋒怪石眠空秋林梵唄習垣冷泉前人皆有題咏庵

有貫華閣顧梁汾與成容若嘗登最高層去梯玩月庵之
最勝處也閣燬於嘉慶末距今百餘年矣長兄將規度遺
址鳩工重建命先寫圖迺仿石田大略爲之筆墨穉弱殊
不足稱此名勝也

塞外爭傳風義詞去梯玩月幾人知
生生死死鷗盟在三十年
來繫夢思

不辨前身與後身
名山踐約豈無因
小山叢桂容招隱
重洗鉛華爲寫真

謹和對臬居士述懷五首

蒿目沙場萬骨枯
良辰預戒設桑弧
緣知仁者壽無量
毫相分

明入畫圖

長松千載幹千尋有佛低肩闡宿因
海內哀鴻同引吭生公說法起潛鱗

不仁天地何多事藜狗蟲沙幻衆生
明鏡無臺淵水定萬方饑溺尙關情

聞道烟雲黯淮北天南何日定風波
津亭不見啼鶻兆定有慈雲逐衆魔

漢史記曾書歷律星輝狼北駐椿年
絲綸閣下萊衣燦別有林泉樂性天

爲潘鑑齋總揆畫絲綸在手圖并題

疏花峭石點新霜
曉殿初開獸炭涼
結習難消塵外意
耽吟惟覺雪中香
種梅萬樹供調鼎
制禮三才復舊章
今日絲綸真在手
未應身世兩相忘

世變千重劫未闌
美人林下髻雲蟠
雪欺冷豔仙能化
月照禪心寢亦安
莫向羅浮尋影事
偶經嚴瀨欲垂竿
清狂減盡天真出
願作津梁普渡難

附廉南湖先生和韻二首

謀國憂天髻漸霜
朝衫暫脫便清涼
詩傳海外花初發
夢到江南月亦香
流水一灣甘寂寞
春風幾樹費平章
定回

誰識山中相不是齋心學坐忘

袖手神州歲欲闌香雲斷續玉龍蟠披圖莫是林和靖好
客真同辛幼安儘有風情調雀夢漫將心事付魚竿憑高
試極中原目亂雪荒山下筆難

武英殿偶占

玉塔積雪化香泥滿地宮槐葉亂飛自挽紫貂煨榾柮朝朝暮
暮傍香妃